

झानसेयारि 'बड'सा' खौरांलाइयाव  
समाजयारि जिउजो लोखा थानाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि सायाव लिन्नाय लिन्बिदां दैथाय हर/  
झानसेयारि 'बड'सा' खौरांलाइया खेबखानावे  
फोसावगोब।

बड'सायाव लिन्नाययि हुबा खालाम,  
'बड'सा' खौरां नोथां, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Saturday ★ 28 November, 2020 Kokrajhar, BTC, Assam ★ Vol.- 30, Issue No. 242 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

रौताआव  
लामानि  
सौग्रावनाय  
जाथायाव सासे  
लाइमोननि जिउ  
ख'हा

मंगलदै, 27 नभेम्बर:  
उदालगुरि जिल्लानि सिडाव  
थानाय रौताआव थानाय हरनि  
समाय मोनसे लामानि  
हरखाव सौग्रावनाय  
जाथायावसासे सुबुनि जिउ



ख'हा जानायजो लोगोसे  
गुबुन सासे सुबुडाबो गोब्राव  
जख'म जायो। जाथायनि  
बागै मिथिनाय बादिब्ला  
सौग्रावनाय जाथायाव जिउ  
ख'हा जानाय लाइमोनखौ  
दरं जिल्लानि गदियापारानि  
थागिबि निलकान्त डेकानि  
(□ 4 बिलाइआव)

कार्बि आंलजों लोगोसे हाजो जिल्ला मोनथामखौ मुलुगनि  
दावबायथिलि खालामनो राज्यो सरकारआ बिथांखि लादों : गिबि मन्थि

दिसपुर, 27 नभेम्बर: गिबि मन्थि सर्बानन्द  
सन'वालआ दिने कार्बि आंल जिल्लानि  
बकाजानाव आसाम मोब्लिब जगायथाय  
कम्पानि लिमिटेडनि मोनसे 33/11 के भि  
दालाय मिरु बेखेवनानै होनायजों लोगोसे  
मोनसे गोदान लाइब्रेरि आरो गंसे आदर्श  
फरायसालिनि अन्थाय खाम्फा गायसननाय  
जायो। बेनि लोब्यायै खुनाय गेवलां मेलआव  
बिबुंथि लाखिनानै गिबि मन्थि सन'वालआ  
बुडोदि राज्योनि बराक-बुलुबुथुर, हाजो,  
हायेनि सरसनस्रा सुबुफोरनि गेजेराव समान  
जौगानायखौ बासिन (□ 5 बिलाइआव)



बि टि सि परिषद बिसायख 'थिनि  
फोसावदिनायाव मन्थि चन्दन ब्रह्म

बासुगाव, 27 नभेम्बर : बि  
टि सि बिसायख 'थिनि खुंगोन  
अक्ट'आ जेसेबांनो खाथि  
नोगोराव सफैहों एसेबांनो गुबुन  
गुबुन राजखान्थि दोलोफोरनि  
फोसावदिनाय आरो मेल मिथि  
खुंनयफोरा गोखोनिफ्राय  
गोखेसिन जानायखौ



नुनोमोनदों। बेनि गेजेरावनो  
दिने कक्राझार जिल्ला  
सालाकाटि पुलिस बादानि  
सिडाव थानाय खानिया भासा  
मासपारायाव 12 नं सालाकाटि  
परिषद बियाबनि बि पि एफ  
दोलोनि बिजाथि देरहासात  
(□ 5 बिलाइआव)

उदालगुरि जिल्ला गथ'सा  
रैखाथि आफादनि  
बान्जायनायाव मुलुगानां गथ'  
खानाय दाननि सोमोन्दोयाव  
सांग्रांथियारि मेल

उदालगुरि, 27 नभेम्बर :  
थैजों सोमोन्दो थानाय बिमा  
बिफानिफ्राय गावसानानै  
थानानाय गथ'साखौ थार  
गथ'सा हिसाबै गोदान बिमा  
-बिफाफोरा गोबां समाव  
खांबोदोब्लाबो आयेन बादियै  
गथ'साया गोबां समावनो  
रैखाथि मोनैखौ नुनो मोनदों।  
(□ 5 बिलाइआव)

बि जे पि दोलोआ बि टि सि बिसायख 'थिनि  
थाखाय फोरमायथि बिलाइ फोसावबाय

बि जे पि दोलोआ खुंथायाव फेरोब्ला बि टि आरआव गेनाखान्थि  
आरो कमिसन लानायखौ वन्द' खालामगोन: बि जे पि

कक्राझार, 27 नभेम्बर: गुबुन  
गुबुन हारि-हारिसानि गोरोबनानै  
थानाय बड'लेन्ड टेरिटोरियल  
काउन्सिल ( बि टि सि)।  
हिंसायारि, हेंथा-हेंसिखौ  
नेवसिगारनानै गोजोनै थानो  
हास्थायदों बि टि सिनि राइजो-  
राजाफोरा। साफ्रोमबो हास्थायो  
(□ 5 बिलाइआव)



चिमेन सापरिआव दुलाराय बर' गुदि फोरोंगिरि गौथुमनि  
बोसोरसालिया जथुम्मा खुंनो रायदाव आफाद दादों



चिमेन सापरि, 27 नभेम्बर:  
फैगो 2021 माइथायनि 23  
जानुवारि खालि धेमाजि  
जिल्लानि चिमेन सापरिआव  
खुंनय जागोन दुलाराय बर' गुदि  
फोरोंगिरि गौथुमनि खुंगा 32

थि बोसोरसालिया जथुम्मा। बे  
जथुम्मानि रायदाव आफाद  
दाफुनायनि थांखिजों दिने चिमेन  
सापरिआव थानाय बर'  
फोरोंगिरि भवनाव मोनसे  
गोनंथार गेवलां मेलखौ खुंनय

जायो। धेमाजि जिल्ला बर'  
गुदि फोरोंगिरि गौथुमनि  
आफादगिरि सुसिल  
बसुमतारीआ मासि लानानै  
सामलायनाय मेलनि थांखिखौ  
बेखेवनानै होयो आफादनि  
गाहाय नेहाथारी मनज  
स्वर्गियारीआ। दुलाराय बर'  
गुदि फोरोंगिरि गौथुमनि  
आफादगिरि सबिन स्वर्गियारी,  
(□ 5 बिलाइआव)

सालबारि बियाबआव बि पि एफ, बि जे पिनि  
गोबां मावथिफोरा इउ पि पि एलआव हाबफैदों



भबानिपुर, 27 नभेम्बर: बि  
टि सिनि बिसायख 'थिआ  
खुंजानो गेजेराव 2 सप्ताहल'  
सम दंसे हिसाबै बि टि सिनि

सालबारि बियाबनि इउ पि पि  
एलनि बिजाथि बिनद  
मुसाहारिआ दासान्दि बियाबनि  
सिडाव थानाय दाव-दाव

जायगाफोराव बिसायख 'थि  
फोसावदिनायखौ गोखोसिने  
खालामगासिनो। दिनेबो  
सालबारि बियाबनि सिडाव  
थानाय लेसेर, बुनमाज, कुसिया  
खान्दा बायदि जायगाफोराव इउ  
पि पि एलनि बिजाथि बिनद  
मुसाहारिखौ देरहाहोनायनि  
थाखाय आलादा-आलादायै  
खुंफुंजालाडो बिसायख 'थि  
फोसावदिनाया। बे  
बिसायख 'थि फोसावदिं

मेलआव बाहागो लानानै  
बिजाथि बिनद मुसाहारिजों  
लोगोसे मिरु इउ पि पि एलनि  
गोबां दैदेनगिरिफोर सुरेस  
सरकार, प्रदिप सरकार, कनक  
बर', जहरा खातुन, जनालि  
पाठक, बिउति बसुमतारी मोनहा  
बिबुंथि लाखिनानै फैगो  
बिसायख 'थियाव गोजोन,  
खौसेथि आरो जौगानायनि  
साथैआव इउ पि पि एलनो भट  
(□ 5 बिलाइआव)

बि टि सि बिसायख 'थिखौ लानानै गसाइगाव प्रेस क्लबाव आरो  
गसाइगाव महकुमा खुंगिरिनि गेजेराव सावराय मेल खुंदों



गसाइगावनिफ्राय खोरमेदाव  
लाइफांहारि, 27 नभेम्बर:  
बि टि सिनि बिसायख 'थिआ  
गोबाव दानफोर सिगां दिन्दांनानै  
थानायनि उनाव फैगो 7  
आरो 10 डिसेम्बरवाव  
खुंफिनजासिगोन। बे खुंजानो  
गोनं बिसायख 'थिखौ लानानै  
दासान्दि बि टि सिनि दरखे  
जिल्लानि जिल्ला खुंथाय आरो  
(□ 4 बिलाइआव)

सोलायनाय, मोजां खुंथाय  
आरो जौगानायनि थाखाय  
राइजो-राजाफोरा बि जे  
पिनो भट होगोन: हिमन्त



कक्राझार, 27 नभेम्बर:  
बिटिसिनि खुंजानो गोनां 4 थि  
बिसायख 'थिनि समा  
साथिनिफ्राय खाथिसिन  
सफैनाय हिसाबै दासान्दि गुबुन  
(□ 5 बिलाइआव)

गिबि मन्थि सनवालआ माजुलि हारिमुवारि  
मुलुगसोलोंसालिनि वेबसाइट बेखेवदों

मुलुग सोलोंसालिखौ मोनसे हारिमुवारि दारिमिन खालामनांगौनि गोनांथि दं: सनवाल

दिसपुर, 27 नभेम्बर:  
आसामनि गिबि मन्थि सर्बानन्द  
सनवालआ दिने माजुलिआव  
जिल्ला बेंगिरि मावखुलिनि  
सावशय नब्बानाय खुंनय मोनसे  
हाबाफारिनि गेजेरजों माजुलि  
हारिमुवारि मुलुग सोलोंसालिनि  
वेबसाइट बेखेवदों। गोदानै  
बेखेवनाय वेबसाइट  
www.muoc.ac.in आ  
मुलुग सोलोंसालिनि



फरायसाफोरनो हारिमुवारि गोबां  
आयदाफोरनि बागै फोरमायथि  
होगोन आरो दावबायारिफोरनि  
थाखायबो बे वेबसाइटआ गोबां  
फोरमायथिखौ जगायनानै  
होगोन। हाबाफारियाव गाहाय  
आलासि महै बाहागो लानानै  
मुलुग सोलोंसालिनि  
वेबसाइटखौ बेखेवनायनि  
उनाव गावनि बिबुंथि लाखिनाय  
समाव गिबि मन्थि सनवालआ  
बुडोदि, माजुलिनि हारिमुवारि  
मुलुग सोलोंसालिआ राइज्योनि  
थाखाय गंसे गोनांथार हारिमुवारि  
(□ 5 बिलाइआव)

39 नं पासनै सेरफां बियाबआव सा 500 निबो बांसिन बि  
पि एफनि मददगिरिफोरा बि जे पि दोलोआव हाबफैदों

माजबात, 27 नभेम्बर : बि  
टि सिनि सिडाव थानाय 39 नं  
पासनै सेरफां बियाबआव दिने  
बारग' राज्योसथानि एम पि  
बिश्वजित दैमारीनि बाहागो  
लानाय आरो बिनि  
मददगिरिफोरा बि जे पि  
दोलोआव हाबदों। माजबात  
बापुजि कमप्लेक्सनि लांगोनायाव  
खुंनय हान्जायाव हाबनाय  
मेलआव मासिखौ  
सामलायदोंमोन उदालगुरि



जिल्ला बि जे पिनि लेइइ  
आफादगिरि तपन सरकारआ। बे  
मेलखौ जागायजेनदोंमोन पासनै  
सेरफां मन्डल बि जे पिनि

नेहाथारी जिवन डेकाआ।  
हान्जायाव हाबनाय मेलआव  
बाहागो लानानै पासनै सेरफां  
बियाबनि बि जे पि दोलोन

बिजाथि दिपक मरेआ बाहागो  
लानानै राइजो-राजानिफ्राय  
आर्सिबाद नागिरनायजों लोगोसे  
बि जे पि सरकारआ गोरिब  
राइजो-राजाफोरनि थाखाय  
मोनफ्रोमबो बिथांखिफोरखौ थि  
समावनो मावफुनो नाजागोन  
होनना बाथा होयो। बे मेलआव  
जुथाय बर' गन' मर्सानि  
नेहाथारी अनिल बसुमतारी,  
सुकलेस्वर गयारी आरो फावसिरां  
बर'आबो बाहागो लादों।□

एम बि बि एसआव मुं थिसननानै ओनसोलाव गोगानाय  
लाबोदों चिरां जिल्लानि आलिसा हाज'वारीआ



चिरांनिफ्राय फाखन गयारी, 27 नभेम्बर:  
सोलिफु बोसोर 2020 आव खुंजानाय हादरनां  
थाखोन मुं थिसन्थाय आनजाद थामहिनबा  
नेसनल इलिजिबिलिटि काम एनथ्रेन्स डेस्टआव  
आसामनि दाब दाब जिल्लाफोरजों लोगोसे  
आफां आसामनि कक्राझार, चिरां, बाक्सा आरो  
उदालगुरिनिफ्रायबो गोबां फरायसाफोरा उथिसार  
जानो हानानै गोजौ सोलोंथाय फसंथानफोराव  
मुं थिसन्तो खाबु मोनदों। बेबादिनो चिरां  
जिल्लानि सिडाव थानाय बेंटल बिक्रमपुर  
गामिनि आलिसा हाज'वारीआबो गावनि गोब्राव  
नाजानाय आरो कस्ट खालामनायनि गेजेराव  
हादरनां थाखोन बे बादायारि आनजादखौ  
उथिसारनानै एम बि बि (□ 5 बिलाइआव)

30 नं गरेश्वर बियाबनि धेपारगावआव  
बि पि एफनि बिसायख 'थियारि सुबुं गौमा



गरेश्वरनिफ्राय दैमालु राम बर', 27  
नभेम्बर: बि टि सिनि बिसायख'-  
थिया खुंजानो गेजेराव 2 सप्ताहल'नि  
सम दंसे। बे हिसाबै गासै  
राजखान्थि दोलोफोरानो दासान्दि  
बिसायख 'थियाव गाव-गावनि  
बिजाथिफोरखौ देरहासात  
खालामनांगौनि नोजोरजों जैरै मैरै  
बिसायख 'थि फोसावदिनायाव

थाद'नाय गैयालासे मुखुबै  
नांथाबगासिनो थादों। दिनेबो 30 नं  
गरेश्वर बियाबनि सिडाव थानाय  
धेपारगावआव बि पि एफ दोलोन  
मोनसे बिसायख 'थियारि सुबुं गौमाया  
गोबां रोजा राइजो-राजाफोरनि बाहागो  
लानायजों मेहेरगोनाडे जाकुलाडो।  
गरेश्वर बियाबनि बिजाथि महेश्वर  
बसुमतारीनि थाखाय दिनेनि बे

बिसायख 'थियारि फोसावदिं मेलआव  
बाहागो लाहैयो बि पि एफनि  
आफादगिरि आरो बि टि सिनि बारग'  
गाहाइ खुंगिरि हाग्रामा महिलारीआ।  
गावनि बिबुंथि लाखिनाय समाव  
हाग्रामा महिलारीआ फैगो 7 आरो  
10 डिसेम्बरआव खुंजानो गोनां बि  
टि सि बिसायख 'थियाव बि पि एफनि  
बिजाथिफोरा (□ 5 बिलाइआव)

सुजुगिरिनि खोलोम

ना, दैनि आंखाल

बोथोर फैब्लानो हाख र-हाला, गरखायनिफ्राय लानानै दैमा-दैसा, बिलो, फुखि, जाम्फे, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो धेनानै दै सोनानै आबादिनि थाखाय गाहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख र-गरखाय, दैसा, जाम्फे, बिलो आरो ओरैनो बोहैलांगारनाय दैफ्रावबो ना-साम'-खांखायनि आंखाल नुजायामोन। खालिबोल' गोनांथि जायोमोन हमनानै लाबोनायनि। ना हमनो थाखायबो गोदो-गोदायनिफ्राय बाहायनानै फेनाय सेन, खखा, खाखि, जेखाइ, पल' फोरजैतो सानानै हमनानै सल, बालि, नाझाइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दंसै टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजैतो ना ओंखिनि आइटेमखो फोलोमनांगो जानानै फेयो। सुबुं देहानि थाखाय नानि गोनांथियाबो एसेल' नडा। नाथाय मोन्नांगोयासो गोब्राब जानानै फेबाय। नानि आंखाल फोलोमनो राइज्योयाव बोसोरि बोसोरि गुबुन गुबुन राइज्योनिफ्राय लाबोनानै नानि आंखालखो फोलोम फेनाय जायो होन्नानै मिबथि मोनो।

ना-साम'-खांखाय गोमालानायनि जाहोन एबा जोबनानै थोब्ले-माब्ले जानायनि गुदिखो गोबाडानो बाइदिसिना जाहोन आरो बिजाउन होन्नानै फोरमायबोदों। बेफोरनो जाहैबाय दैसा-जाम्फे, बिलो, हाख र-हालाफ्रा लासैयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालानायजों लोगेसे बेफोरनि बांसिनानो दडब्लाबो दै गैयै थायै जानानै फेनाय। दै गैयाब्ला ना-साम'-खांखायफ्रा बबेनिफ्राय थाफेनो आरो बोरि फोलेर एरनो। फार्सेथि मिथिंगा बिखायाव सिगांनि बादि अखादेंजों आबुं जानानै थालिया। दैज्जां बोथोराव अखा हानानै थानाय दैयाबो दैज्जां बारनाय लोगो-लोगोनो राननानै गोरान जालाडो।

गुबुन मोनसे जाहोनखो दैज्जां हाबनाय लोगो लोगो अखा हादैनि जावरिनायजों जेराव बिलो, दैसा-जाम्फेफोर द' बेफोर दैसा बिलोफ्राव फुवान होनाय ना आरो बिदै गोनां नाफोरखो गोबों जेजों बोखानाय आरो मुलि-बिषो होनानै हमनायाव नानि जोलै एरनायाव हेंथा फेनायखायनो ना-साम' खांखायनि बिबाड सानफा-एफायैनो बाडाय जाबोनानै आंखालनि महर लाफेदों। मिथिंगा बिखाया बिफां-लाइफा, हाग्रा-बंग्राजों थाजिम सोमखे महैर थायोब्लासो अखा-बांखा हानाय आरो बैसोमुथि बिखाया थाजिमै-थानो हागोन। अब्लासो दैसा, बिलो हाख र, हाला, जाम्फेफ्रावबो दै बोहैगोन-ना साम', खांखाय आरिफ्राबो दैयाव थानानैनो फोलेर एरहोनयनि खाबु मोनगोन अब्लासो फारफ्रोम बिथिनि थाथाया सरासन्नायाव फेफिनगोन। ना-साम'-खांखायनि आंखालखोबो एफा-एनैयै फोलोमनायनि लामा मोनफिनानयनि राहा थाहैगोन।

दिनैनि फानजामुथि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** सोरनिबा मोजां हाबा मावनो गोसो थुलुगाखानाय फेनो हागौ। गोजोन्नायखो मोनो हागोन।

**बृष:** मावनो लानाय खामानियाव जेना नुजानो हागौ। सानै-हयै मावनाया गाहाम।

**मिथुन:** मानिबा जाहोनाव गोसोआव दुखु मोन्नांनो हागौ। गोजोन्नाय गैयै जौनो समखो बारहोनांगोन।

**कर्कट:** जेरैबो सुखु -गोजोनै थानो हागोन। फारफ्रोमआवबो मुलाम्फा खालामनो हागोन।

**सिंह:** सोरबा लोगोनि अन्याय मोनो हागोन। गोसोखो गोजोन्नाय मोनो हागोन। मोजां सान।

**कन्या:** मोजां मोनलायनायनि गेजेराव दौलेंआ गोरा जगोन। फारफ्रोमथिबो मोजां

**तुला:** मानि जाहोनाव दुखु सैनांनो हागौ। गोसो हमथानानै थानाया गाहाम।

**वृश्चिक:** रावजोंबो जेना गैयै सास्थियै थानो हागोन। फारफ्रोमथिबो मोजां।

**धनु:** माबा मोनसे जेनाखो लानानै नखर संसाराव गावप्रालायनाय जानो हागौ। गोसोखो हमथा।

**मकर:** दिनैनि दिनआव माबाफोर मुवा मोनो हागौ। मुलाम्फा मोनगोन। मोजां सान।

**कुम्भ:** मानिबा थाखाय गोसोखो अशान्थि मोनखानो हागौ। मावनायाव धैज्य गैयै जानो हागौ।

**मीन:** बहाबाफोर दावबायहैनो मोनो हागौ। गोसोखो गोजोन्नाय मोनगोन। मोजां सान।

सुंद'सल' जैस्रि बर'

“आं आरो बेबादियै बेसेबां सहायबावनो आब'... आंनि सहायनायनि सिमाया जोब्याय। आं बेनिफ्राय बारग'नो लुबैबाय आब'... आं उदां जानो सानबाय।”

स'नास्रिनि गाबै गाबै बुंहरनाय रावफोरा आंखो गले गले सानलैथोयाव खोखैदों। मा खालामनाया मोजां जागोन हारसिडै जेबो सानख'ना मोनैनि आंनि लोगो दैसानावसो सोंहरदों आं। उनाव बियो आंखो गावनि सिनायखानाय लोगो एडभकेट सानसोरां नाज्रिजों राइज्जायनो सुबुरुन हरो। जेरै थिनाय एरै खामानि। गासै बाश्राखो फनाव रायज्जायजानाय नडा होन्नानै एडभकेट सानसोरां नाज्रिजों एडनमेन्ट लानानै बिथानि न'सिम सौहैयो आं। आंनिफ्राय सनास्रिनि गासै बाश्राखो मिथिनानै गावनो थोंजोडे सनास्रिखो लोगो हमनो लुबैनायनि बाश्राखो बुंथिदों एडभकेट सानसोरां नाज्रिजिया।

एडभकेट सानसोरां नाज्रिखो लोगोयाव लानानै जेब्ला आं सनास्रिखो लोगो हमनो थान्दोंमोन, सनास्रिखो नुनाय लोगो लोगो सानसोरांआ बाग्दावखान्दोंमोन। सनास्रिनि मोखाडबो लाहाखि जाजोबदों। बिसोरनि बेबादि थासारिखो नुनानै थारैनो आं जोबोद गोमोदों। रायज्जायनांगो बाश्राफोरखो बिसोर सानैबो जेबो रायज्जायनो हायाखैमोन। सनास्रिया गुस्थि फेरलेब फेरलेब मावलायनाय रुखु रुखु गाबदोल'मोन आरो सानसोरांनि मेगनिफ्रायबो मोदै बोहैनायखो आं नुदोंमोन। “उनाव रायज्जायनोसै” होन्नानै दान्दिसे उनाव ब्लद ओंखारबोफिन्दों सानसोरांआ

सानसोरां ओंखारबोनाय उनाव दसे गोबाव सनास्रिखो गावनो होनानै बनि गोसोखो स्रं जाहोनानै लासैयै सोंदों आं थारैनो बाश्राया मामार। गावनि मोदेखो चुर्निजों हुगारनानै गावखौनो सामलायनो नाजानानै गासै बाश्राखो लासै लासै फोरमायलांदों सनास्रिया आंनो।

मेट्रिकनि देजनाखो उथिनाय लोगो लोगो न'खरनि मानसिफोरनि लुबैनायबायदियै सनास्रिया बडाइगाव फरायसालिमायाव मुं थिसन्दोंमोन। गोजोनपुरियाव गंसे बर' न'खरावनो न' भारा लानानै कलेजाव थालाय-फैलाय खालामदोंमोन बियो। सप्ताहफ्रोमबो बिमा नडावा बिफा बिखो खौरं लानो फेयोमोन, माइर-मैगं-रां होफैयोमोन फरायसालिमा लोगोसे नोगोरनि बार। जौमोननि बार बारफुनाय गेवलांफुनाय सनास्रिनि महर। समाझा बिबार नुनाय लोगो लोगो गोबां बेरे-सिखरिफोरा होंगो-दोंगो जादोंमोन सनास्रि मुंनि बिबाराव जानो, बिबारनि बिदै सोबनो। बेफोरनि गेजेराव सानसोरां मुंनि डिग्री फरायफुनाय ग'साइगावनि सेंग्रा सासे। सोरखो लानो सोरखो दोन्नो, उनाव सनास्रिनि गोसोआ सानसोरांनि फारसेनो गेलेमदों। ज' ज' फरायसालिमायाव थानाय फेनाय, केन्टिनयाव साहा लोनाय, पार्कआव बेरायनाय, इयुननि गोथाव गोदै सिमां रसनयाय। बेबादिनो हायार सेकेन्डारिखो उथिनानै डिग्रीखोबो बेवहायनो फरायनोसै होन्नानै मुं थिसन्दों सनास्रिया। सानसोरांआ बि.ए. उथिखानानै कक्राझार आइन फरायसालिमायाव आइन फरायफेदों। कक्राझारनिफ्राय सम सम थानानै लोगो हमहैयोमोन सानसोरांआ सनास्रिआखो। बेबादि एखुथा-आलारिड लोगो हमलायनाय बबेबा लोरबां बुब्लियाव सनास्रिया गावखो नागारसारना होदों सानसोरांनि फारसे गोथो फोथायनाय लाखिनानै। बै देहायारि सोमोन्दोनि उनाव सानसोरांआ सानसेबो सनास्रिखो लोगो हमफिनाखे। गोबां खेब नाजादोंमोन सनास्रिया सानसोरांखो लोगो हमनो, नाथाय आन्जाद दं माबा दं होन्नानै सानसोरांआ एरखेबोबाय थादों। सनास्रिया राहा गोथेजादोंमोन जेब्ला बियो मिथिदोंमोन बियो दान्थामानि मोदोम गोथैसै। बाश्राखो सोरनो खिन्थानो सोरनो मानो बियो राहा गोथेजानानै उनाव बिमानो

खिन्थाना लादोंमोन। जोमै गैयाजासे सारन्थाय गावदोंमोन सनास्रि बिमानि खरयाव। बियो फिसोजोंखो दोखो दोखो बुंदोंमोन। नाथाय बुनानै मा जानो ? बुनानैथ' खैफोदखो उथिनो हाया। फिसाजोखो लानानै बिमाया जेब्ला देहाफाहामगिरिनि सेर साफिदोंमोन, देहाफाहामगिरिया बुंदोंमोन-बैसोआ खुनुरुखुम जिदाइनल' जादों आरो एबसंनिनि खालामजानाय समाबो बारग'लांबाय। दाबादियाव एबसंनिनि खालामोब्ला सनास्रिया इयुनाव जोबोर गिदिर खैफोदआव गोरलैनो हागौ। जानो हागौ बियो माब्लाबाबो बिमा जाफिननो हानायबो नडा खोमा एबा थै खम जानायनि जाहोनाव सनास्रिनि जिउयावबो माबा मोनसे जानो हागौ।”

राहा गोथेजानानै उनाव सनास्रि बिमा-बिफाया सनास्रिखो हाबा हरनायनि बाश्राखौनो सान्नायसै। नाथाय गावसोर लुबैनाय बायदि सेंग्रा नागिरना मोनैयाव हाबानि अक्टआ फावसायलांबाय थादों जाउनाव सनास्रिया बिमा जासिगोननि महरखो बयबो स्रा स्रा नुनो मोन्नाय जादों। उनाव गासिबखौबो मिथिजोबनानै गावसोरनावनो दाहोना थानाय, बिसि थैजानाय ब्रैजिबा बोसोरनि हबगाया आवगायबोदोंमोन सनास्रिखो हाबा खालामनो। राहा गोथेजानाय बिमा-बिफायाबो उनाव गावसोरजों समान बैसोनि सुबुंखौनो बिजामादै होन्नानै गनायथि होदों।

हबगाजों हाबा जानायनि दानथाम उनावनो सासे सखल'-बखल' हौवासा गथ' जोनोम होदोंमोन सनास्रिया। बोसोरनै उनाव हबगाजों फाथैलाइ बिसिनानै फिसाखो बिमा बिफानि आखायाव गथायनानै सनास्रिया गौहाटी मोखां जाबोदों। गौहाटीयाव फेनानै बियो गिबियाव स्वपिं मलआव मुवा फानग्रा महरै बावदों आरो फरायसालिमायावबो मुं थिसन्दों। बिब्दिनि गेजेरजोंनो बियो बि.ए. खो उथिफिन्दों। बे स्वपिं मलावनो सानसे आंजों सिनायलायनाय जादोंमोन सनास्रिया। बेनिफ्रायनो फन नाम्बार लालायनानै सम सम रायज्जायनायनाय जादोंमोन। नाथाय एसेबां समसिमबो बियो आंनो माब्लाबाबो गावखो सासे गथ'नि बिमा होन्नानै खिन्थानानै लायाखैमोन। थानाय बोसोराव बियो आंनो सानसेखालि फन हरनानै बुंदोंमोन-“आब' आं हाबा जानोसे”। “सोरजों ?” होन्नानै सोनायाव बियो फिन्दोंमोन-“गौहाटीनिनि बाडखलि सेंग्रा। जिनि गला दं”। आं सोंदोंमोन-“बर' सेग्रा मोनाखिसै ?” बियो फिन्नाय होदोंमोन-“बर' हौवाया आंखो अन्नो रोडाहाय आब'। बर' हौवानि अन्नायाव गोथारथि गैया। बेनिखायनो जेसे हागौ एसे बर'नि जानगाराव थानो नाजाबाय आं आब'।” आं बांद्राय एल' एला सोडखिसै। “दे नो मोजाडेल' राइजो जा” होन्नानै बुंदोंमोन आं सनास्रिखो। बनि उनाव हाबानि सानै उनाव हाबानि पार्टि जानो लिंहरदों सनास्रिया आंखो। थानो गोसो गैयामोनब्लाबो बनि फिसाइखो नायनो लुबैनानैनो उनाव नुजाहैदों आं पार्टियाव। बांद्राय बुरजा मानसि लिडखैमोन पार्टियाव। जाहोनाव लोंहोनाय मोजाडानो जादोंमोन। जेबो गात्रि नुवाखैमोन आं सानस्रिनि फिसाइखो। मोजाडे अनलायनानै सोलिनी हायोब्ला सुखि संसार जालांनो हागोन बेखौनो आंबो सानखोमादोंमोन। नाथाय हाबानि दानथाम उनावनो सानसेखालि गाबै गाबै सनास्रिया फन हरदोंमोन आंनो-“आब', आंनि हौवाया जौ फागलाथार। जौ लोहै लोडे आंखो बुसोगारो। बे जोनोमाव आं संसारनि सुखु मोनमारनाय नडगोन।”

बेनि उनाव जेब्लानो आं सनास्रिनि खौरं लादों अब्लानो बनि बुजानायनि खौरं मोनबाय थानाय जादों। खेबसेथ' बियो देहाफाहामसालियाव थागुलायनांगौ जादोंमोन। फिसाइया बिखो मारजोदि बुखो-खाफाला दोलानानै थाबथानाय गैयै थै गबाय थादोंमोन। बियो जोबोद लोरबां जादोंमोन। सेलाइन होयै होयैसो

दोन्नांगौ जादोंमोन। बै समाव आं फिसाइखो एसे बुजायदोंमोन। “नोंसोर मोजां मोनलायनानै हाबा जानायनो दा मानो नोंसोरनि संसाराव दावराव-दावसि”।? अब्ला फिसाइया बुंदोंमोन-“अके बिया कराइया आमार किसु लाभ हयनाय।” आं बुंजिदोंमोन सनास्रि फिसाइया सनास्रिनिफ्राय जोबथा मोनजानो लुबैदोंमोन। जोबथा मोनैनि थाखायनो सनास्रिया सानफ्रोमबो सहायनांदों फिसाइनि आथिं-आखायनि साजा।

“हबगाजोंलाय मानोथो फाथैलाइ बिसियामोन नों ?” हासैबो बाश्राफोरखो मिथिजोबनानै सोंदोंमोन आं सनास्रिनाय। “हबगानाव हिन्जावनि गांनाय-उखैनायखो सुफुंनो हानाय गोहो गैयामोन आब'। हाबानि उनाव बियो आंजों सानसेबो उन्दुफेरखै। सिगांनि हिन्जावआबो बिब्दिनो दाहायावनो दौलें लागायनानै थैदोंमोन। बियो आंखो बुंखादोंमोन-जेब्लानो गोसो जायो अब्लानो नों आंजों फाथैलाइ बिसिनो हागोन। बेनिखायनो उनाव फिसालाया आहार गारनो हानाय जानाय लोगो-लोगो आं बिजों फाथैलाइ बिसिनानै गोदान जिउ दानो थांखिजों ओंखारबोदोंमोन।”

“दा नों मा लुबैयो ?” “आं बे बाडखलि हौवाजों थानो सानाखिसै आब'। बिजोंबो आं फाथैलाइ बिसिनो लुबैबाय। बे बोसोरसे सम आं फिसाज्जाजोंबो जेबो सोमोन्दो लाखिनो हायाखै। आं दा बेफोरबादि हाबा, संसार बायदियाव हाबालासै फिसाज्जाखौल' सासे मोजां मानसि महरै दानो लुबैथारबाय। बेखो आं बेसे आइ-आफामोनजों दोनबावनो ? आं बिखो लोगोयाव लाफानानै संसार लैथोनि दिडखो जावलांनो सानथारबाय। आंनो आरो जेबो नांथारलिया।”

सनास्रिनि गासै बाश्राखो खोनासंखोमानाय सानसोरांआ सेराव फेनानै बुफेदों।

“नोंनि जिउनि गासै दुखुनि गुदि जाहोना आंनो सनास्रि। आं सानसना मोनाखैमोन बै समाव। जिउनि लामा संनायनि थांखियाव गफनबानै आं मिथिस'हायाखिसै नोंदि बेसेबां साद-जारला सहायनांदों। नोंनि गासै जिउ जासिमिनखो मिथिनानै आंनि थैनि फिसाज्जा दं होन्नानै मिथिनानै दा आं माबोरै नोंनि गोजानाव थाबावनो हानो सनास्रि ? नों आंखो मा साजा होनो लुबैयो हो, नाथाय बे बाडखलि हौवानिफ्राय फाथैलाइ बिसिहोनानै जौनि फिसाज्जाजों लोगोसे नोंखोबो थैजासेनि थाखाय बजबनानै लानो लुबैयो सना, नों गानायथि होगोन न ?”

जाथायफोर सावथुननि बायदि जानायाव आं गाबनो ना मिनिनो जादों सनास्रि आरो सानसोरांनि गोबालायनानै गावनायखो नायनानै थानो हायैनि बिसोरनि एसे गोजानाव जायखारबोनानै गावफलांदों आंबो आंनि जिउनि गिबि मोजां मोननायनि बाश्राखो सानखानानै। मोजां मोननायनि गोथार रादाय होनानै जोसारआबो लामा ससेयावनो नागारलांदोंमोन आंखो माब्लाबाबो फेफिनै रादायजों। हाबा जानोसैन सानथाम सिगाडव मथर जाब्रथायाव जिउ गोमादोंमोन जोरसारआ आरो गाबै गाबै आंबो आंनि जिउखो फोजोबना लानो नागिरनायाव जोरसार बिबथैनि फिसाज्जा सन्जिबआ उनाव आंनि खाफालाव गोजा सिन्दुर थुदोंमोन। जोरसारनि जायगायाव सन्जिबखो बोजबना लानाया आंनि थाखाय गोरलै नडमोन। नाथाय समजों लोगोसे दानखोमसि हरनि बेराफोरखो आं बारसिबोनो हादों थैनायजों थैफानो हाया” आइमोननि गले-गले बुजायनाय आरो सन्जिबनि गोथार अन्नायनि थागिदायाव दिनें आं आबुडै सन्जिबनि जाबाय आरो दा जौनि संसारखो सुखुनि संसार होन्नानै बयबो बुंनो हासै।

सन्जिबनि बाश्रा सान्नाय लोगो लोगो म'बाइलाव टं सोदोब जाखांदोंमोन आंनाव। नायनायाव नुबाय सन्जिबनि मेसेज- “थाब फेदो, जारैआ नोंखो गोसोखांबाय। आंबो।”

Format C-1 (for candidate to publish in Newspapers, TV) and Format C-2 (For political party to publish in website, newspapers, TV)

Declaration about criminal cases

(as per the judgment DATED 25<sup>th</sup> September, 2018. Of Hon'ble Supreme Court in WP (Civil) No. 536 of 2011 (Public interest Foundation & Ors. Vs. Union of India & Anr.)

Name and address of candidate: **MR. RANJIT BASUMATARY @ B.R. FERENGA**

Name of Political Party : **UNITED PEOPLE'S PARTY LIBERAL**

(Independent candidates should write "Independent" here)

Name of Election : **14<sup>th</sup> BODOLAND TERRITORIAL COUNCIL GENERAL ELECTION 2020** Name of Constituency: **14<sup>th</sup> CHIRANG DUAR (ST) BTC CONSTITUENCY.**

I Mr. Ranjit Basumatary (name of candidate), a candidate for the abovementioned election, declare for public information the following details above my criminal antecedents:

Sl. No	Pending Criminal case			Details about case of conviction for criminal offences	
	Name of Court	Case No. and status of case	Ssection(s) of Acts concerned and brief description of offence(s)	Name of Court & date(s) of order(s)	Description of offence(s) & punishment imposed
	NIL	CASE NO. RUNIKHATA P.S.38/2016 (Case is under investigation)	u/s 120B/121/121A/122/387 IPC R/W sec. 17/21 UA(P) Act. The brief of the case is that based on secret information regarding collection of funds and supply to the banned NDFB (S) Organisation by Sri Pinkush Narzary of Village No.2 Bengtol, the Police of Runikhata P.S. and Bengtol out post staff conducted raid & search at village No.2 Bengtol on 2.7.2016 at 3:00 a.m. and apprehended Shri Pinkush Narzary, S/O- Sri Boloram Narzary from his residence. On interrogation it was found that under the instruction of NDFB(S) Leader B.R. Ferenga he had collected an amount of Rs.- 31,000/- only and Rs - 12,865 - only from two Teachers namely Sri Pradeep Narzary of Bengtol M.V. School and Sri Jiten Narzary of Tukrajhar High School respectively. The collected amount was used for buying arms and other logistic support by the NDFB(S) for waging war against the state.		

In the case of election to Council of States or election Legislative Council by MLAs, mention election concerned in place of name of constituency.

Note:- (i) Details should be given separately for each case in separate rows. (ii) The matter in newspaper should be published in font size of at least 12.

1	2	3	4	5
Sl. No	Name of Candidate	Name of Constituency	Pending criminal cases	Details about case of conviction for criminal offences
			Name of Court, Case No. & status of the case(s)	Name of Court & date(s) of order(s) & Description of offence(s) & punishment imposed
	MR. RANJIT BASUMATARY	14 <sup>th</sup> CHIRANG DUAR (ST) BTC CONSTITUENCY	CASE NO. RUNIKHATA P.S.38/2016 (Case is under investigation)	u/s 120B/121/121 A/122/387 IPC R/W sec. 17/21 UA (P) Act. The brief of the case is that based on secret information regarding collection of funds and supply to the banned NDFB (S) Organisation by Sri Pinkush Narzary of Village No.2 Bengtol, the Police of Runikhata P.S. and Bengtol out post staff conducted raid & search at village No.2 Bengtol on 2.7.2016 at 3:00 a.m. and apprehended Shri Pinkush Narzary, S/O. Sri Boloram Narzary from his residence. On interrogation it was found that under the instruction of NDFB(S) Leader B.R. Ferenga he had collected an amount of Rs.31,000/- only and Rs. 12,865/- only from two Teachers namely Sri Pradeep Narzary of Bengtol M.V.School and Sr. Jiten Narzary of Tukrajhar High School respectively. The expected amount was used for buying arms and other logistic support by the NDFB(S) for waging against the state.

In the case of election to Council of States or election Legislative Council by MLAs, mention the election concerned in place of name of constituency.


Note:- (i) The above information shall be published State wise for each State/UT. (ii) The matter in newspapers should be published in font size of at least 12.

# सान्त्रिफोरनि थाखाय भारतीय सि-जोमखौ बाहायनाय जासिगोन



**गोदान दिल्ली, 27 नभेम्बर** गुबुन हादतनि सि-जोमखौ : हादतआव सान्त्रिनि खसाब बाहायनाय जानाय नला। नाथाय बानायनो थाखाय चीन आरो आथिखालाव हादतनिनो

## गासैबो सुबुंफोरनि थाखाय बिजिरनायसिम सौहैनायआ रां-खान्थि खरसा जानाया गिदिर हेंथा : हादतगिरि कबिन्द



**गोदान दिल्ली, 27 नभेम्बर** : हादतगिरि रामनाथ कबिन्दआ बुंदों, गासैबो सुबुंफोरा बिजिरसालिसिम सौहैनायआ रां-खान्थि खरसा जानाया बयनिखुइबो देरसिन हेंथा बेजों लोगोसेनो बियो नोगोरारिफोरनि थाखाय करना इनफेक्सननि समाव बिजिरनायखौ मावफुनायनि थाखाय बिजिरसालि आरो बारखौ बाखोनायदों। हादतगिरि कबिन्दआ हाइकर्टनि गेजेरजों खुनाय संबिजित सान फोर्बेजों सोमोन्दो लानानै बुंदोंदि, भिडिअ कनफारेन्स आरो इ-फाइलिंग बादि टेकनिकखौ बाहायनानै हाइकर्टआ इनफेक्सननि समावबो हाबाफारि मावनायखौ सोलिहोबाय थारों आरो बिजिरनायखौ जगायनानै होबाय थारों। गाव बेनि थाखाय गोसोयाव गोजोन्नाय मोन्दों। सुप्रिम कर्टआ गोबानिफ्राय गोबांसिन ओन्सोलारि रावआव बिथोन होनायखौ जगायना होदों। गाहाय बिजिरगिरि एसए बबडेआ बुंदों, बिजिरसालिया इनफेक्सननि समाव गोबां हाबाफारि मावदों आरो गासैबो नोगोरारिसिमनि बिजिरनायखौ जगायना होनो थाखाय गोखौ हाबाफारि मावदों। भारतनि सुप्रिम कर्टआ गुबुन हादतफोरनि बिजिरसालिफोरनि रुजुनायाव मोजों हाबाफारि मावदों।

बिसोरनो गोनांथि हिसाबै 2 बोसोरफ्रामबो 1.5 कौटि मिटर सि-जोमनि गोनांथि जायो। गाहाय मन्थि नरेन्द्र मदिआ आत्मानिभर भारतनि फार्से हाबाफारि मावदों। जुदि सान्त्रि खसाब बानायनो थाखाय भारतनि सि-जोमखौ बाहायनाय जायोब्ला हादतआ जौगाखांगोन। बेजों आत्मानिभर भारतआ इयुनयाव आवगय लानो मदत मोनगोन। बे सि-जोमजों पेरसुट आरो बुलेटयुफ जेकेटबो बानायनाय जागोन। रै खाथि बिथिडाव ग्लास फेब्रिक, कार्बन फेब्रिक, एरामिड फेब्रिक आरो एडभान्स सिरेमिक पेब्रिक बादि टेक्निकल टेक्स्टाइलखौ बाहायनाय जायो। मख'नो गोनांदि, सान्त्रिनि 50 लाखनिफ्राय बांसिन जवानफोरनि थाखाय बोसोरफ्रामबो 5 कौटि मिटरनिफ्राय बांसिन सि-जोमनि गोनांथि जायो।

बानायनाय सि-जोमखौ सान्त्रिनि खसाब बानायनो थाखाय बाहायनाय जासिगोन। बेनि थाखाय डिआरडिअया भारतीय सि-जोमनि उद्यगखौ सि-जोम दानायाव मदत खालामदों। भारतीय सान्त्रिफोरनि थाखाय 55 लाख मिटर सि-जोमनि गोनांथि जायो। जुदि नेभि, अख्रामा सान्त्रि आरो हा सा बाहागोनि सान्त्रिफोरखौ सरजाबयोब्ला

# अखा आरो बरफ गोग्लैनाया राजस्थाननि गं 12 सहरफोराव गुसुखौ बारायहोदों



**जयपुर, 27 नभेम्बर** : राजस्थाननि राजथानि जयपुरजों लोगोसे गं 12 निखुइ बांसिन सहरफोराव थानाय बृहस्पतिवारखालि हराव अखा गोग्लैयो, बे अखानि उनाव गुसुआ बारायो। भीलवाडआवथ' सारअन्थाइजों लोगोसे अखा हायो। बेयाव लेबुनि समान सारअन्थाइ गोग्लैनायै जमा जायो। माखासे सहराव साननि बिदुडा2-3 डिग्रीसिन दावखलायो। बेनि गेजेरजों बुन्दी, सबाइ मथापुर आरो चिताडगइआव 17 मि:मि सिम अखा हायो। बोथोर बिफानआ फेगौ 3-4 सानसिमाव गुसुआ सोलिबाय थागोनखौ हमदाडो। बेजों सान आरो हरनि बिदुडा 2-4 डिग्री सेल्सियसनि गाहायाव थानायखौ हमदानो हायो। अदेबानि बे बरफ गोग्लैनायनि जाहोनजों हिमाचल प्रदेशआव जिब-

जुनातफोरनि सायाव गोहोम गोग्लैदों। जाउनाव मोन्ने नेसनेल हाइवेजों लोगोसे गं 227 लामाफोराव गारि मटरफोरनि थालाय-फैलाया थाबथानानै थायो। बरफ गोग्लैनायनि जाहोनाव राइज्योआव 701 ट्रान्सफर्मरआ थाबथायो। बेजों सुबुंफोरा मोब्लिबनि जेनाजों मोगा-मोगि जानांगसिनो दड। कुल्लु जिल्लायवाव बिदुडा 6

डिग्रिसिम दावखलायो। सिमलानि मेक्सिमाम टेम्परेचरआ 8 डिग्रि आरो मिनिमामआ 2 डिग्रियै रेकर्ड खालामो। सुन्दरनगराव 12 डिग्रि आरो 8 डिग्रि धमशालायाव 9.2 आरो 5.2 डिग्रि, कुफरीआव 3.5 आरो 0.7 डिग्रियै रेकर्ड खालामो। राइज्योनि गासै बाहागोफोराव शुक्रवारखालि एसे अखा हानो हागो। शनिबारखालि जोमैया

गावसानानायजों बोसोरा सं जानानै गुसुआबो खमायगोन। बेनि सिगां थानाय बृहस्पतिवारखालि गुसु बार आरो बेनि गोहोमजों साननि बिदुडाव 3-6 डिग्रिसिम दावखलायो। रायपुराव बिदुडा सरासन्त्रानिफ्राय 3 आरो जगदतपुराव 6 डिग्रिन बाडइ जायो। एगदलपुर आरो पेटारडआव एसे अखा हायो।

## आबादरिफोरनि 'दिल्ली चलो' धर्ना होनाय, सिन्धु बर्दारआव पुलिसआ टियार गेस गावों

**गोदान दिल्ली, 27 नभेम्बर** : मिरुनि आबाद आयेनखौ हेंथा होनो थाखाय दिल्ली फार्से रावना होदों आबादरिफोरा। सिन्धु सिमा (हारियाना-दिल्ली सिमना) याव पुलिसफोर धर्ना होनाय आबादरिफोरखौ होखारस्रानो थाखाय टियार गेसखौ बाहायदों। बेवहाय गोबां सान्त्रि हान्जाखौ थिसन्दों। जायगा जायगा बेरिकेडिं खालामनाय जादों। बेनि अनगायै रोहतक झर सिमना, दिल्ली गुरुग्राम आरो दिल्ली-जम्मु राजा लामायावबो गोबां सान्त्रि हान्जाखौ थिसन्दों। हारियानायाव थानाय बृहस्पतिवारवा माखासे जायगाफोराव पुलिस आरो आबादरिफोरनि गेजेराव नारा-नाथा जानायखौ नुनो मोन्नाय जादों। पुलिसनिफ्राय होबथानो



थाखाय लागायनाय बेरिकेड, अन्थाय आरो हाफोरनि दामोलखौ बोखारनानै आबादरिफोरा हारियानायाव हाबहेयो। पान्जाब-हारियाना सिमनायाव हारियाना पुलिसआ 9 था जायगानि सिमनाफोरखौ सिल खालामदोंमोन। बेनि गेजेराव 7 था जायगायाव आबादरिफोरा बेरिकेडखौ सिफायब्ला मोनथाम जायगाफोराव पुलिसफोरजों बुलायलायनाय जायो। सानसे थारला सिमनायाव जेना गोनां

थासारि सोमजियो। सासे धर्ना होग्रा आबादरिफोरा फोरमायदोंदि, पुलिसआ गावसोरखौ दे सारनानै आरो टियार गेस गावनानै होबथानो नाजादों। नाथाय थेवब्लाबो गावसोरखौ होबथानो हायाखै।

गावसोरनि गाहाय दाबि दैखानाया जादों गावसोरनि बाथ्राखौ खोनासनाय। बियो आबाद आयेनखौ लाबदों। नाथाय गावसोरनि बाथ्राखौ खोनासडाखै। जुदि एमएसफि आरो दालालफोर एबा सिबिथाय होग्राखौ बोखारना होब्ला आबादरिफोरा मा खालामगोन? गुबुन फार्सेथिजाय सरकारआ बुंदों, आबाद आयेनजों दालालफोरनि हाबाफारि मावनाया जोबगोन। आबादरिफोरा गावसोरनि आबाद दिहुन्नायखौ थोंजों फान्को हागोन।

## नेपाल आरो चीनआ थाबैनो माउन्ट एभारेस्टनि जौथायखौ फोसावगोन

**काठमान्डु, 27 नभेम्बर** : 2015 याव नेपालयाव गिखंथाव बाधि मावनायजों मुलुगनि बयनिखुइबो जौसिन हाजो थिखिनि माउन्ट एभारेस्टनि जौथाय ख'हा जादों ना जायाखै, बेखौ थाबैनो मोनथिनो हासिगोन। मख'नो गोनांदि, नेपाल आरो चीनआ थाबैनो मुलुगनि बयनिखुइबो जौसिन हाजो थिखिनि माउन्ट एभारेस्टनि जौथायखौ सुनानै जुथायै फोसावगोन। बे बाथ्राखौ चीननि रेखाथि मन्थिआ नेपालयाव दावबायनाय समाव फोसावगो हागो। "दा राइजिं नेपाल" खौरालाइआ बुंदों साभें अफ इन्डियानि गेजेरजों 1954 याव सुनाय बादिब्ला, माउन्ट एभारेस्टनि जौथाय 8,848 मिटर। चीननि सरकारि एजेन्सि सिन्धुआ फोरमायदों 1975 याव चीननि साभें खालामगिरिफोरा माउन्ट एभारेस्टखौ सुदोंमोन आरो बेनि जौथाय लैथोमानिफ्राय 8,848.13 मिटर गोजौयावमोन। काठमान्डु पस्टनि बादिब्ला, नेपालनि मन्थि परिषदनि जथुमायाव माउन्ट एभारेस्टनि गोदान जौथायखौ फोसावगो थाखाय लेन्ड मेनेजमेन्ट, अपारटिब आरो फुअर इलिमिनेसनो खौरां होदों।

## 10 कौटि न'खरा केशलेस गाहाम देहानि सुबिदाखौ मोनगोन : ममता बेनार्जी

**गोदान दिल्ली, 27 नभेम्बर** : सोनाब बंगयाव फैनो गोनां बोसोराव जानो गोनां बिधान सभा बिसायख'थिनि सिगां गिबि मन्थि ममता बेनार्जीआ सोनाब बंगयाव गासिबोनो गाहाम देहा यजनानि मुला होनो बाथ्रा फोसावदों। सोनाब बंगनि गिबि मन्थि आरो टिएमसि गाहाय ममता बेनार्जीआ बृहस्पतिवारवा सोनाब बंगयाव 10 कौटि न'खरफोरनि थाखाय केशलेस गाहाम देहानि मुलाम्फा होनो बाथ्रा फोसावदों। खुंथायाव थानाय टिएमसि सरकारा बे खेबयाव बिसायख'थि

फोसावदिनि समाव बिजेपिनि हें थायै जौगाखानायखौ गावसोरनि गाहाय हाथियार बानायनो गोसो जादों। गिबि मन्थिआ बुंदों राइज्यो सरकारनि गेजेरजों सामलाय जानाय गाहाम देहा जयना 'स्वास्थ्य साथी का लाभ' नि मुलाम्फाखौ 1 डिसेम्बर 2020 निफ्राय ओन्सोलनि गासिबो न'खरनि सुबुंफोरा मोन्नो हागोन। बे यजनानि गेजेरजों गंफ्रामबो न'खरा मोनसे स्मार्ट कार्ड मोनगोन जायजों भारतनि गासै 1500 सरकारि आरो गावयारि देहा फाहामसालिनिफ्राय 5



लाख रांसिमनि केशलेस गाहाम देहानि सुबिदाखौ मोनगोन। मिरुनि यजनाखौ राइज्योआव 60:40 नि रुजुजखजों गनायथि

होनाय जायो, जेराव 'स्वास्थ्य साथी' सायाव खरसा जानायखौ सोनाब बंगनि सरकारा बाहायजोबो। बे यजनायाव 2000 कौटि राड खरसा जायो। जाय सुबुंफोरा दासिमाव स्वास्थ्य साथी स्वास्थ्य यजनानि गेजेरजों रेजिस्टार खालामाखै, बिसोर सरकारा डट टु 32 अभियान खालामन्ला रेजिस्टार खालामनो हागोन। आयुष्मान भारतनि थाखाय मिरु सरकारआ 60 जौखोन्दो रांखौ होयो। आद्रा 40 जौखोन्दो रांखौ सोर होगोन? जुदि सरासन्ध्रा सुबुंफोरा 5 लाखनि बीमा खालामनो थाखाय 2.5 लाख रांखौ होनांगौब्ला, बिसोरो बेबादि बीमाखौ मानो खालामनो।

## आरब लैथोमायाव मिग-29 नि जाब्रबथायाव सासे पाइलट गोमादों

**मुम्बाइ, 27 नभेम्बर** : मिग-29 नि ट्रेनार उरां जाहाजआ आरब लैथोमायाव जाब्रबथाय जायो। बे उरां जाहाजखौ आ I I E N E S बिक्र मादित्यनिफ्र 1य सालायलानाय जादोंमोन होन्नानै शुक्र बारखालि बिबानगिरिफोरा खौरां होयो। बे जाथाइया थानाय बृहस्पतिवारखालि जायो। बे उरां जाहाजआव गाखोनाय सानै पाइलटफोरनि मादाव सासेखौ रैखा खालामनाय



जाबाय आरो गुबुन सासे पाइलटआ दासिमबो गोमानानै दड। बे गुबुन सासे पाइलटखौ नागिरनो थाखाय नागिरनाय हाबाफारिया सोलिगासिनो

दड। बेनि गेजेरजों सरकारा बृहस्पतिवारखालि बेलासिनि 5 रिगानि खाथियाव जानाय बे जाथाइखौ नायबिजिरनो बिथोन हायो।

## गुजरातनि कभिड सेन्टारआव गिखंथाव अर खामनायजों सा 5 सुबुंफोर थैदों

**राजकट, 27 नभेम्बर**: गुजरातनि राजकटनि गंसे करना देहा फाहामसालियाव हर गेजेराव गिखंथाव अर खामदों। अदेबानि राजकटआव थानाय शिवानन्द देहा फाहामसालिनि आइसिडआव गिखंथाव अर खामनायजों सा 5 सुबुंफोरा थैयो। बे देहा फाहामसालियाव सा 33 बेरामिफोर दडमोन।



करना देहा फाहामसालि आइसिडआव गासै सा 11 जानायनि जाहोनाव बेरामिफोर दडमोन। जायफोरनि

गेजेराव सा 5 बेरामिफोर अरजों खामथारजानाडो। गुजरातनि गिबि मन्थि बिजय रूपाणीआ बे जाथायखौ नायबिजिरनो बिथोन होयो। अर नांनानयनि जाहोनखौ दासिमबो मिबथिनो मोनारखै। बेनि खौरां मोन्नाय लोगो लोगो अरखौ हुखोमोरनो थाखाय जाथाय जानाय जायगायाव माखासे दमखलफोरखौ दैथायहरो, जायनि उनाव अरखौ सामलायनो हायो। बेनि सोमोन्दै फायर ब्रिगेडनि बिबानगिरि जेबि तिवाआ बुनाय बादिब्ला, अर खामनायनिफ्राय रैखा खालामनो हानाय बेरामिफोरखौ गुबुन कभिड-19 देहा फाहामसालिफोराव रेफार हरनाय जायो। आथिखालाव रावबो बिबानगिरिफोरनो अर नांनानयनि जाहोनखौ लानानै जेबो बुडाखै। सुत्तुनि बादिब्ला, अर नांनानया आ I I S I D I N I फ 1 य जगायदोंमोन।

No.DW.PMS/98/2001/166/980-84

### SCHOLARSHIPS FOR ST / OBC STUDENTS OF ASSAM : 2020-21

In modification of this office advertisement published on the Assam Tribune dtd. 20<sup>th</sup> October/ 2020 inviting online applications for Pre-Matric and Post-Matric scholarships for students of Assam belonging to Scheduled Tribes (ST) and Other Backward Classes (OBC / MOBC) for the year 2020-21 through National Scholarship Portal (NSP) [www.scholarships.gov.in](http://www.scholarships.gov.in). the last date for submission of applications has been extended as given below:

Sl No	Name of Scheme	Eligibility (Annual Family income)	Last date for submission of online applications by student	Last date for verification of applications by Institution
1	Pre Matric Scholarship toa ST students studying in Class IX & X	Rs. 2.50 lakh	31 <sup>st</sup> December, 2020	20 <sup>th</sup> January, 2021
2	Post Matric Scholarship to ST students			
3	Pre Matric Scholarship to OBC students (Class I-X)			
4	Post Matric Scholarship to OBC students			

Sd/-  
Deputy Director,  
WPT & BC, Assam; Ghy-6  
JANASANYOG/D/7539/20

# जौनपुर सोहोरया रंगिना-संगिना सिगां मुगानि नेरसोन



गमति दैमानि बोरि बाहागोयाव थानाय उत्तर-प्रदेशानि जौनपुर सहरआ जारिमिनारि आरो थुनलाइयारि खुंथायखौ साजायनानै लाखिदों। 14 थि जौथायनि शार्की खुंथायनि समाव जौनपुर सहरआ सनानि मुगा सारियाव थानो हादों। बै समनि जायपोर मुंदांखा खुंथाय सामलाइगिरिफोरनि सोमोन्दै जारिमिनाव फरायनो मोन्दों बिसोरनि बांसिनानो बे जायगाजों लोब्बा थानाय बिसोरनि मादाव शेरशाह सुरिया सोलोंथाय-गियानफोरखौ बे जायगानिफ्रायनो लादोंमोन। मुगल बादशाह आकबरआ गावनो बे जायगायाव थानानै राजा फोलेरनि दालां लुनो

थानि । बेफोरनि अनगा नोंथांमोनहा बे जायगायाव थानाने बे जारिमिनारि सोहोरनि सोमोन्दै बांसिनै गियान लानो हागोन।



मोनसे समाव सनानि मुगामोन: दिल्ली आरो कल-कातनि गेजेराव बे सोहोर दड। खुगाजों सोलिबोनया बाश्ना बादिल्ला बे जायगायाव सरस्वती बिमानि

साजायना लाखिदों। बेनि अनगा बे सहरा सान्थिन नोरसोन जाय ब्रैदिक मुगा, बौद खुंथाय, मुगल खुंथाययनिफ्राय जागयनानै शार्की मुगासिमबो सोलोंथायसालि महरै नुजाथिदों। शार्की खुंथाया 14 थि जौथायाव इब्राहिम शाह शार्की, महमुद शाह शार्की आरो हुसैन शाह शार्कीनि खुंथाय सामलायनायाव उत्तर प्रदेश, बिहार, नेपालनि तराइन हा बाहागो, आसामनि तिरहुत, उरिष्या, गवालियरसिमनि हा बाहागोया


खुंथाय मुगायाव बै जायगानि सोलोंथाय आरिमु आरो थुनलाइया ओरैबायदि मुंदांखामोनदि बेयो भारतनि थुनलाइयारि राजथावनि महरै सिनायथि लाखिनो हादों। बेनो जाहोनदि जारिमिननि फरायसाफोर आरो संदानगिरिफोर बे सहरनि फारसे गोसो बोक्थाबनाय दड।

**राजा फेलेरनि दालां:** राजा फोलेर दालांनि गेजेराव थानाय मोसाखौ मैदेर अरनाय मुसुखा दड जायखौ गोजाम संदानगिरि बिफाना सरैखाथि थावनि फोसावदों। बे दालांयाव थानाय मुसुखाया बौद मुगानि गोसोखाथि बेरखांहोयो। मुगल बादशाह आकबरआ बे दालांखौ बानायनो बिथोन होदोंमोन।

**गुरु तेग बाहादुरनि ध्यानथावनि:** सिखफोरनि 9 थि धोरोम गुरु तेगबहादुर सिंहनि ध्यानथावनि मुंदांखा। मुगल खुंगिरि औरंगजेबनि खुंथायनि समाव समाजारि आरो धोरोमारि बिथि फारसे नोजोरथिनानै गुरु तेगबहादुरआ दावबायथिनो ओंखारलांदोंमोन। बेनि उनाव 1670 आव बेवहाय थानानै 3 दानसिम जिरायहैदों आरो चाचकपुराव थानाय सइ दैमायाव ध्यान खालामदोंमोन। बे जायगानिफ्राय थानाय समाव बियो गावनि लहानि तिर आरो गुरुग्रन्थनि आखायजों लिरथिलाइखौ बेवहाय गोसोखाथि महरै गालांदोंमोन।

**राग जौनपुरि:** परिये पायन बाकी सजनी ज ना माने गुणीजन किसी की बे बाश्ना खोन्दोया राग जौनपुरनि। जायखौ देखो मुलुगाव जोबोरैनो जोथोनै आवरायनाय जायो।

**हादतनि थुनलाइयारि राजथावनि जानो हादों:** शार्की



बिथोन होदोंब्ला सिखफोरनि बोर सारस्त्रिनाय दडमोन। 9 थि धोरोमगुरु गुरु तेग बाहादुर बेवहाय गोबां आरिमुगिरिफोर सिंहनि बेयो ध्यान खालामग्रा दडमोन, जायफोर बे सहरखौ

( 1 बिलाइनिफ्राय )

## बि टि सि बिसायख थिखौ लानानै .....

महकुमा खुंथायफोर दासान्दि बिसायख थि खुंथायनि सिगां थाक-थियायि खालामनायजों लोगोसे बिसायख थिखौ आयेन आरो आबुथिन गेजेरजों गोजोनै आरो उदाइ खुंफुंलानो हानाय बायदि राहा लानायनि सायाव सावरयगासिनो थानायखौ नुनो मोन्दों। दिने गसाइगाव महकुमा खुंगिरिनि मावखुलिनि सावरय नब्बाइव बिसायख थिखौ लानानै गसाइगाव महकुमा खुंगिरि आरो गसाइगाव प्रेस क्लाबनि सोद्रोमाफोरनि गेजेराव मोनसे सावरय मेल खुंथाय जादों। बेलासि 4:00 रिगायाव गसाइगाव महकुमा बेंगिरि पल्लबि सरकार, आइ ए एसनि मासि सामलायनायाव दैदेन्याय बे सावरय मेलआव गसाइगाव प्रेस क्लाबनि बिबानगिरि आरो सोद्रोमाफोरजों लोगोसे गसाइगाव महकुमा बिसायख थि मावखुंगिरि अमित पारबस, गसाइगाव महकुमानि सार्कल अफिसार आरो बि टि सि बिसायख थियाव मडेल कड अफ कनडाक्ट नि बिबानगिरि हिसेस मजुमदार आरो गसाइगाव महकुमा खुंगिरि आरो मावखुनि मिडिया सेलनि इन्सार्च बिप्राय बसुमतारि मोनिन बाहागो लानायाव खुंजानो गोनां बि टि सि बिसायख थिनि साखा-फारा आरो बिसायख थिनि समाव आयेन आरो आबुथिन राहा जगायनानै होनायनि सायाव गुवरै सावरयलायनाय जायो। बे सावरय मेलआव महकुमा बेंगिरि पल्लबि सरकारआ बुडोदि, खुंजानो गोनां बि टि सि बिसायख थियाव महकुमानि सिडव जेबो दावयव-दावसि एबा हिंसायारि जाथाय सोमजिनो हाथै बायदि गोजोनै आरो उदाइ खुंफुंनो थाखाय खामानि मावगासिनो दं आरो महकुमानि थासारिखौ मोजाडै लाखिनो थाखाय रेखाथि राहानि सायावबो गोखों राहा लागानो होन्नानै फोरसायथियो। एरैहाय थासारिखौ गोजोनै लाखिनाय, समाज आरो रइजो-राजाफोरनि थाखाय मोजां खामानि मावनाय एबा सिबिथाय होनायाव बिफाव लाफानो थाखाय गसाइगाव महकुमा खुंगिरि पल्लबि सरकारआ खोरंगिरिफोरखौ खावलायो।

## रौताआव लामानि सौरावनाय .....

फिसाज्ला बुदेब राजबंशि (27) होननानै सिनायथिनाय जादों आरो बे मोनसे गामिनिनो तेजब डेकाआबो जख 'म जादों होननानै मिथिनो मोनदों। सुलुनि बादिल्ला माजबातनिफ्राय मथर साइकेलजों मंगलदै फारसे बिसोर सानैया फैबाय थादोंमोन। रौतानि झारगावआव लामायाव लाखिनानै दोननाय ट्रेक्टरआव गोब्राबै सौरावनायाव सिगां फारसे फैबाय थानाय गरिआ गोब्राबै सौरावलाडो। सौरावलांनयनि जाहोनाव सासेया जायगायावबो जिउ खहा जायो आरो गुबुन सासेआ गोब्राब जख 'म जायो होननानै जायगानि सुलुज मिथिहोदों।

# बिर जोहोलावफोर

गोबोंआव हाजासे मिजिं लानानै हाग्रा-बंग्रा सौसि-सौसि दैमा-दैसा बार-बारै नुजा फैदोंमोन नोंसोर बर' हारिनि गेजेराव उन्दुना थानायखौ फोजाखानो नाजादोंमोन नोंसोर अहिंसानि मोन्थोरजों गावनि जिउखौ बावनानै हारिनि हारियाव फांसे गेरेमसा बिफां गायनानै गालांनो मिजिं दंमोन नोंसोरदा हारिनि थामोनथायखौ गोजौ फारसे दिखां लांनयनि बिदा फंबाय खौसे खालामनायनि नाथाय दिने..... सुथुरनि आखायाव खासि बिस्त्रि दाव-अमाफोर बादि बुथार जानांबाय थैनि बानायाव गोजाव लांनबाय आगोमा बर' फिसाफोर। थैवबो बिदिन्थि होलांबाय नोंसोर हारिनि सुथुरनि हेंथायै जावरिखांनो हारिनि फारसे अन्नाय, मोजां मोन्नाय लाइमोन सेंग्रा-सिख्वाफोरनि गोसोआव हाबाव दिने जोहोलावफोर नोंसोरखौ मा होनानै फुजिबावनो जौलाइ गैया आखायाव मोदोम गोजा नोंसोरनो उदांसिनि गुदि जोहोलाव-जोहोलावजोफोर।

जनेन कु: बसुमतारि

# रंजालि गथ 'फोरनि सौरा हांमा मोनाबिलि

ओइ हायनारि मनालिसा सिख्ला नोंखौनो हास्थायोमोन अराय समनि नाथाय दिने नों आंखौ समफल बिख्लोनिफ्राय नेवसिगारलांबाय सुखथ्र हायै दाखोन थाबाय नैबे आनि खोमथा गोबोंआव। हाइ खाफाल....नंमारगौसो नामा? हिन्जावफोरनि गोसोखौ मोदायानो हमनो हाया होन्नायालाय। नै सना आनि बे हांमानि दाखोनखौ नों लैथोनि दैजों सुप्राना फोजोबनो हानाय नड.....। आरो आनि गोबों बिखायाव जोंखानाय अरहा सोरां गैया बेखायनो आनि रुंगु गैया मोजां मोन्नाय दुखु हांमाया थाथोंसे निजोमै आनि गोबोंआवनो फोरमायनो लुबैला आं रावनिबो सिगाडव। हाय मोजां मोन्नाय मादि एसेबां मुहिनाय हायना जादु दं नोंहालाय आस 'खान्दा खालामना थांबाय नों आनि गोसोखौ नै सैनाय सिख्ला आं आनि गोसोखौ माब्रै माजों बुरखायना दोनबावनो बेनि थाखाय फेरलेबसे अन्नाय लानानै आंनो राहा होदो-

**दावहारु औवारी गामि- सानजा मावरियागाव (हालांबाजार)।**

## बोरै बावनो सुजुला

सान्दोंमोन आं नों सुसुलाखौनो अरायबो गोसो गोबोंजों मोजां मोनो, नाथाय नोंनि नोमा-नोमफाया आंखौ फोथाय खेबस' खालामबाय। आनि गोसो गोबोंजों मोजां मोन्नायखौ नोंनि आदा-आव'आ आंखौ गोदाव-सोराव खालामबाय आरो नोंखौ आनिफ्राय गोजानाव दोनबाय। नोंखौ गोजानाव दोनबालाय मा जानो सुसुला थैवबो नोंनि महरा आनि गोसोयाव साया-माया बायदि नुजाबाय थायो। नों आंखौ जेसेबां बावनो नाजागोन आनि मोजां मोन्नाया बारासिनसो जागोन, मानोना बे मुलुगाव मोजां मोन्नायनिखुइ देरसिन जेबो गैया। फागुनिन जावलिआ बार मोदायाबो हानाय नड आनि मोजां मोन्नायखौ बुखार हरनो, बायदि सिना फावजों आनि मोजां मोन्नायखौ बोखारनो सानब्लाबो आंखौ हानाय नड बिदिब्ला नोंनि नोमा-नोमफायाथि, हागोन आनि नोंनि मोजां मोन्नायखौ बावगाव होनो हानाय नड सुसुला। लैथो बायदि गुवार आनि मोजां मोन्नाया, दैमुनि दै बायदि गुसु आनि अन्नाया बिदिब्ला नोंखौ आं बोरै बावनो सुसुला।

बुधदेव बसुमतारी

## अनसुलि र'जे

नों अनसुलि र'जेखौ नेबायनानै मोखोब लांनो हमबाय, आनि थाइने मेग'ना। नोंजों नुज्जायनाया र'जे सानफ्रोमबो सान आरो हर, नोंजों आंजोंनि जुलिनि रादाया संसारनि मायाथिलि बेन्दोडव। आदि अरायबो लामा नायदोंमोन नों र'जेनि जोंखोल महरखौ, अरायबो कलेजनि, बै दरखं मोखां थिजाय। नाथाय मानोदि दिने सिरि, ना फागुनिन जावलिआ बारआसो होबथाना लाखिदोंमोन नों र'जेखौ?

**मोक्थां बसुमतारी गामि-खोला टेडापारा**

आय' अनजालि मोनाबिलि रावबो मोनथिया जोंल' मोनथिलायगौ जोंदि सानैजों जादों जुलि; सोनाब जिनि नखर आव फेयो नोडे सोदोब मोनथाव, बिरहोनानै रैसुमै बाराव रेशम जोमैनि दखना फायलि। जारौ मोखाडव जिनिन नांदों हनै मानिबा गोसोम छाया-बेथ' नोंनि ह'छरनाय खानायनि गेलनाय बोल' जेबो नड-। मा नायदोंयै गोजों भुमाव; सोर गाहोखो सिन्दुरनि फोथाखौ अनजालि नोंनि बिखा सायाव?

**जयपाल बसुमतारी ला:सो:- जालाहघाट जिला-बागसा बि.टि.ए.डि आसाम**

# बर' हारि

आय' बर' हारि, दंजायो नोंसोरहा गाव-गावनि धोरोम-हारिमु, राव, आसारखाथि। सिगां समाव नोंसोरो ज'थै खौसेयै थालायोमोन, अनलायलायोमोन। नाथाय नोंसोर दिने मानो गावजों-गाव हेंथा-हेंथि। मानो गावजों-गाव बुलाय-सोलाय। बर' हारिनि सेंग्राफोर मानो थैसावलाजोबखो? गुबुन हारिफोरना लोब-लोब बांबोगासिनो दं, नाथाय दिने बर'फोरा मानो गावजों-गाव बुथारलायनाय। खौसे जादो बर'फोर, नोंसोरो गावजों-गाव सुथुर जायालासिनो जयै खौसे जादो। नडब्ला गाग्लोबजागोन सानसे गुबुन हारिफोरजों। आथिखालनि बे दुंहाव थासारि जानायलाय गावजों-गाव बुलाय-सोलाय जानायलाय बोहैबाय दिने बर' बिमानि मेगननिफ्राय दुखु-दाहानि मोदै। आथिखालनि बर' लाइमोनफोर, नोंसोरो मा जालांजोबखो मानो नेवसिखो नोंसोर बर'नि गामसा-दख 'नाखौ मानो मालाय हारिनि गानग्रा-जोमग्राखौ गानो हमखो। मालायहा जौनि दख 'ना गामसाखौ गाना। नाथाय जों बर'फोरा मानो सुरिदार, जिन्सफोरखौ गानो हमखो। मानो बावगारलांखो गावनि आंगोनि गामसा-दख 'नाखौ। खोमानोसै नामा? गावनि आंगोनि गामसा-दख 'नाखौ! फैफिन्दो बर'फोर, नोंसोरो गावनियाव फैफिन्दो।

**सिबराज नार्जारी गामि-रमानपारा, कक्राझार।**

## गोदान बोसोर

गोजाम बोसोरा थांबाय गोदान बोसोरा सफैलायबाय, हालो-दैलो मिथिगा फुरियाबो समायना-रमायना जाबोबाय। दावसिन-दावला, जिब-जुनार, मानसि-दुमसि बयबो रंजाबाय, बे बुहुम बिखायाव जेनिबो रैसुमै देखो गोजावबाय। बयबो राव-हारिमु, हारि-धोरोमा रंजादों-बाजादों, जादों-लौदों बबेबा मोजां जायगा लाना ज'-ज' पिकनिक जालायदों। बेबायदिनो गोजाम बोसोरखौ बिदाय हरदों, गोदान बोसोरखौ गोजोन खुसियै बरायदों। आंबो बेबायदिनो गोजोन खुसि मोन्नानै गोजाम बोसोरखौ बिदाय हरना-गोदान, बोसोरखौ बरायदों आरो आलो-गोजोनै बारहोहरदों।

सोमखोर ब्रह्म

## बि जे पि दोलोआ बि टि सि बिसायख 'थिनि थाखाय फोरमायथि बिलाइ फोसावबाय

समान मोन्थाय आरो गोजोननि थासारि। मख'नो गोनांदि, माखासे जौथायनिफ़्रायनो गोजोन्नाय गैयैजों मोगा-मोगि जानांनय बर' थागिबि ओन्सोलाव गोजोन लाबोनार्यनि थाखाय नाजाबाय थादोंमोन। 19९3 माइथायाव गोजोन गैयै बर' ओन्सोलाखौ दाफुंनाय जादोंमोन बड'लेन्ड अट'नामस काउन्सिल। नाथाय बे काउन्सिलआ ओन्सोलनि थागिबिफोरनि थाखाय गोजोनखौ लाबोनो हायाखैमोन। जायनि जाहोनाव आरोबाव गोजोन्नाय गैयै थासारिया सोमजिदोंमोन सोनाब आसामनि मोनसे गोथौ ओन्सोलाव। 2003 माइथायाव अतल बिहारि बाजपेयीनि दैदेन्नाय मिरु सरकार आरोबाव मोनसे गोरोबथा खालामदोंमोन ओन्सोलाव अरायथा गोजोन गाइसन्यानि थाखाय। बे गोरोबथा बायदियै बि टि सि ओन्सोलाव जौगानाय आरो गोजोन्नायनि थासारिया फ़ैगोनखौ मिजिंथिदोंमोन। नाथाय बि टि सिनि गेजेरजोंबो गोजोन्नाया आवुडैः फ़ैयाखिसै। बि टि सिनि थानाय समनि खुंथाया लोख्वां नोजोरनि थाखायनो ओन्सोलनि गुबुन गुबुन हारि-हारिसानि सान्नाय हनाया जाफुंसााखिसै। बेनिखायनो गाहाय मन्थि नरेन्द्र मदिनि दैदेन्नायाव 2020 माइथायाव मोनफ़्रोमबो बिथिखौ नोजोर होनानै खालामनाय जादों बि टि आर गोजोन गोरोबथा। आसामखौ बोखावालासै आसामनि सिडवोनो बड'लेन्ड टेरिटिरियेल रिजन दाफुंनानै साफ़्रोमबो उतखारिफोरखौ हाथियार दैनार्यनिफ़्राय जानगाराव थाहोनारयजों लोगोसे खोबखिन जानाय हारिफोरखौ गेबें बिजिरनाय होनार्यनि थाखाय रहा लानाय जादोंमोन। मख'नो गोनांदि, थानाय 2016 माइथायनिफ़्राय आसामनि गिबि मन्थि सर्वानन्द सनवाल दैदेन्नाय सरकारआ बि टि सिखौ लानानै थोजासे रंखान्थि हेफाजाब हरनाय जादोंमोन। बे बिथियाव मिरु सरकारानो बि टि सिनिसिम थोजासे हेफाजाब हदोंदोंमोनब्लाबो बि टि सि खुंथायनि गेजेयव गेनाखान्थि सोलिनार्यनि गोवां अजदआ सिखारदों। बेनिखायनो बे ओन्सोलनि मोनफ़्रोमबो थाखोनि राइजो-राजाफारा गेनाखान्थि उदां जानायखौ हास्थायदों। बेनि थाखायनो फ़ैगौ बि टि सि बिसायख'थियाव राइजो-राजाफोरखौ लानानै भारतीय जनता पार्टी (बि जे पि) दोलोआ गोख्रोडैः बाहागो लानो थियारि जाबाय। बिसायख'थियाव बाहागो लानार्यनि थॉंखिजों गुबुन गुबुन बियाबफोराव दोलोआ बिजाथि फसंनानै राइजो-राजाफोरनि आवुं हेफाजाब मोनगोनखौ मिजिंथिदों। बिसायख'थिनि खाथि नोजोरवनो दिनें बि जे पि दोलोनि बिसायख'खि मेनिफेस्ट'खौ खौरंगिरि मेलनि गेजेरजों फोसावना होबाय। कक्राझार जिल्ला सदर सहरनि गेजेराव बाहागोयाव थानाय त्रिबेनि भवनआव खुंनाय दिनें बि जे पि दोलोआ बि टि सि बिसायख'थिनि थाखाय राइजो-राजाफोरनि जौगालु खामानि मावनो लानाय माखासे हाबाफारिखौ लानानै मेनिफेस्ट'खौ फोसावनाय हाबाफारियाव बि जे पि दोलोनि राइज्योयारि आफादगिरि रन्जित कुमार दास, हिमन्त बिश्व शर्मा, कक्राझार जिल्ला बि जे पि दोलोनि आफादगिरि बिभुति बरगयारि, बिजाथि उइलियाम नार्जारी आरो माखासे दोलोनि दैदेनगिरिफोराबो बाहागो लादोंमोन। दोलोनि गोख्रों दैदेनगिरिफोरनि बाहागो लानायाव बि टि सि ओन्सोलनि थाखाय मावनो लानाय खामानिनि एजेन्डा एवा हाबाफारिनि मेनिफेस्ट'आव फोसावनाय मावथांखिफोरा एरैबायदि- गाहाय मन्थि नरेन्द्र मदिनि दैदेन्नायाव ज़ैरेबायदि गोरोबथा जादोंमोन, बे गोरोबथा बायदियै थॉंजोडैः दफाफोरखौ मावफुंनार्यनि थाखाय बि जे पि दोलोआ गोनांथार बिबान लागोन। बे गोरोबथा बायदियै जायफोर गामिआ बि टि आरनिफ़्राय बायजोयाव थानानै जावना बेबायदि गामिफोरखौ थॉंजोडैः बि टि आर ओन्सोलनिफ़्राय बायजोयाव लाखिनायनि रहा लागोन। थिक बेबायदिनो जायफोर बर' गामिफोरा बि टि सि ओन्सोलनि सिमायाव दइ बेफोर गामिफोरखौ बि टि आरआव सोसन्नाय जागोन, बि टि आर गोरोबथा बायदियै बि टि आर परिषदनि मासिखौ ब्रैजिनिफ़्राय द'जिसिम बारायनाय जागोन, बि टि सिआव दासान्दि रावखौ लानानै मोनसे राजखान्थि सोलिबाय थानाय जादों। बे बिथिइव बि जे पि दोलोआ मोनफ़्रोमबो रावखौ जौगाखांहोनार्यनि थॉंखि लागोन। बि जे पि दोलोआ खुंथाय गोहोयाव फ़ैयोब्ला साखियाव थिसन्थायनि बिथिइव गोख्रों रहा लागोन अदेबानि बि जे पिआ सि एस बि एबा सेन्ट्रेल सेलेक्सन बर्डखौ बन्द' खालामनाय जागोन। गोरिब नख'रनि रंखान्थि हालोदजों लोरवां जानाय सुबुंनि थाखाय 10 जौखोन्दो साखिनि खथा लाखिनाय जागोन। बि टि सिनि बर', राभा, सरनिया, हाजं बायदि पुजाथिलि जौगाखांनि थाखाय 5 लाख रं मदत होगोन। मोनफ़्रोमबो परिषद बियाबआव रं 50 रायखांजाथावना नामचर मन्दिर्, गिर्जा, ससाननि बायदिनि थाखाय रंखान्थि हेफाजाब होनाय जागोन, बि टि सिआव थानाय सुबुंफोरनि गेजेराव गोवां सुबुंफोरनि-गाहाय जेनाया जादों हानि जेंना। आसाम सरकार बि टि सि ओन्सोलनि सरकारी हायाव थानाय सुबुंफोरनो हा आयेनिनि गेजेरजों हानि पाइा होनार्यनि थाखाय बि जे पि आ थॉंखि लादों। हा, बायनाय फान्नायनि बिथिइव बि टि आरनि मोनफ़्रोमबो थाखोनि सुबुंफोरनि थाखाय सरकारी गनायथिया गोनांथार जागोन, दावहानि जानगाराव थानाय आदिबासि आफादजों गोजोन गोरोबथा खालामनाय जागोन, मोनसे राजखान्थिनि फाव फान्दायनायाव बोलि जानांनय लाफिकुल इस्त्पानि बुथारनायखौ गोख्रों राहनि गेजेरजों संदानाय जागोन, मोनफ़्रोमबो साहा बागाननि लाइनिनि लामा आरो फोनांजाब लामाफोरखौ पाक्का खालामनाय जागोन। बि टि सिनि गंफ़्रोमबो साहा बागानाव गोर्जो फरायसालि आरो गेजेर फरायसालि फसंनाय जागोन, उदालगुरियाव बड'लेन्ड मुलुगसोलोंसालिनि केम्पास गाइसन्याय जागोन, बि टि सिनि मोनफ़्रोमबो मेहकुमायाव सरकारी फरायसालिमा गाइसन्याय जागोन। बेजों लोगोसे बि टि सि ओन्सोलाव गोनांथि बायदियै आइ टि आइ आरो बिएड कलेज गाइसन्याय जागोन, देहा सिबिथायनि बिथिइवबो बि टि सि ओन्सोलखौ सिगां फारसे लानार्यनि गोवां गोनांथि दइः बेनि थाखाय बि जे पिआ ओन्सोलनि देहा खोन्दो जौगाथायनि थाखाय मोनसे रड मेप हाबाफारिखौ आजावना लादों, मोनफ़्रोमबो परिषद बियाबआव गंसे-गंसे मोन 30 बिसना थोनां फाहामसालि लुफुंनाय जागोन, बि टि सिनि मोनफ़्रोमबो गामियाव गोगो दै लॉनाय जगायथायनि रहा खालामना होगोन, सरकारी आरो प्रभाइनिसेल्ट फरायसालिमायाव साफ़्रोमबो फरायसुला फरायसुलिफोरनि मुं थिसन्नायखौ बेसेन नाडैः खालामनाय जागोन। बि टि आर ओन्सोलनि लाइमोनफोरखौ गेलेमु बिथिइव सिगां फारसे लानार्यनि थाखाय मोनफ़्रोमबो परिषद बियाबआव 10 कौटि रॉनि गंसे-गंसे स्टेडियाम लुफुंनाय जागोन, बि टि सि ओन्सोलाव हाग्रानि मैदेरनि उतखार खालामनायखौ होबथायनार्यनि थाखाय माखासे फिथाइ गोनां बिथांखि लानाय जादों। बि टि सिनि राइजो-राजाफोरा नेमखान्थि बायदियै श्भयम, अरुनदय, प्रधान मन्थि आवाज यजना, बोराय पेन्सन, रान्दि पेन्सन सरकारी बिथांखिखौ मोन्नो हागोन। बि टि सि ओन्सोलाव आइजो सेल्फ-हेल्फ ग्रुपआ कनकलला आइजो जौगाखां बिथांखि आरो एन आर एल एम बिथांखि बायदियै 25 रोजा आरो 50 रोजा रं मोन्नो हागोन, बेसेन नाडैः माइर् होनार्यनि बिथिइव समबाइ समिटिफोरा कमिसनखौ मोजाइः नोजोर होनानै बि टि सिनि गोरिब राइजो-राजाफोरनि थाखाय थिखानाय माइरंखौ मोन्नो हागोन। बि जे पि दोलोआ सरकार दाफुंनो हायोब्ला गोवां बेले-बेजे सावरायजानाय भि सि डि सिनि सोलायै बि टि सिआव मोनफ़्रोमबो गामिखौ लानानै मोनथाम केन्द्र दाफुंनार्यनि रहा लानाय जागोन, बि टि सिआव गेनाखान्थि आरो कमिसन लानाया बन्द' जागोन। बि टि आर गोरोबथा बायदियैः मिरु सरकारनिफ़्राय फ़ैगो गोनां 1500 कौटि रॉनि बिथांखिखौ थि समावनो मावफुंनाय जागोन, दै बाना जेनाजों भुगिनांनय बि टि सि ओन्सोलनि थागिबिनि थाखाय मोजां रहा खालामनानै होनाय जागोन। बेबायदिनो दिनें बि जे पि दोलोआ फ़ैगौ बि टि सि बिसायख'थियाव देरहानानै खुंथायाव फ़ैयोब्ला मेनिफेस्ट'आव दैखानाय एवा रायखांनय मोनफ़्रोमबो एजेन्डाफोरखौ फारियै मावफुंगोन होन्नानै बाश्रा होदों। मख'नो गोनांदि, फ़ैगौ 7 आरो 10 डिसेम्बरखालि मोनै खोलोबयाव खुंजानो गोनां 4 थि बि टि सि बिसायख'थियाव बि जे पि दोलोआ देरहानो थॉंखिजों दासान्दि मोन 4 जिल्लायाव फोसावदिंनाय हाबाफारिखौ सोलिहोबाय थानायजों बे खेबनि बिसायख'थियाव ज़ैरैखि जाया खुंथायाव फ़ैगो हागोननि दाबिदार खालामदो। १

## 30 नं गरेश्वर बियाबनि धेपारगावआव बि पि एफनि बिसायख 'थियारि सुबुं गौमा

वां सानखो मासियाव देरहानानै त्रैथि खेबनि थाखाय बि टि सिआव फिन सरकार दाफिनगोन होननानै दाबियो। लोगोसे गरेश्वर बियाबनि बिजाथि महेश्वर बसुमतारीआ राइजो-राजाफोरनि हेफाजाब मोननार्यनि गेजेरजों देरहानाया रोखा जाबाय होननानै बुंथिबवो। हाबाफारियावनो खौरंगिरिफोरजों मोगा-मोगि जानाय समाव महिलारीआ फोरमायथिनाय बादिब्ला बि पि एफ दोलोआ बि टि सि बिसायख'थिनि थाखाय फोरमाइ बिलाइ (मेनिफेस्ट)खौ फ़ैगौ 30 नभेम्बरआव फोसावगोन। दासान्दि आसामनि मन्थि हिमन्त बिश्व शर्माआ बि जे पिनि बिसायख'थि फोसावदिं मेलफोराव बि पि एफनि सायाव बायदि बायदि सांखारिगासिनो थानार्यनि फिनजाथाय महरै हाग्रामा महिलारीआ बुंबावोदि, हिमन्त बिश्व शर्माआ बि पि एफनि हंथायै जेसेबां नंखाय बाश्रा बुंनानै बांसावा मानो जेबो खामानियाव सोलिनारय नइ। हिमन्त बिश्व शर्माआ बुंबोबाय थादों बि टि सिआव भि सि डि सिखौ सिफायनानै पन्सायट रहा खालामगोन नाथाय हिमन्तआ जेसेबांनांखि बाश्रा बुंवाय थाब्लाबे 6 फारिलाय ओनसोलाव बिथानि बुंनाय बाश्राफोरा मोनसेबो जाफुड। बिथाइ बुंबावोदि बि जे पिआ जेसेबां नाजया मानो बि टि सिआव मोनबो गोहोम खोख्लेनो हानाय नइ। बिथॉंमोन बि टि सिआव सरकार दानो सिगां सुनुनानै माब्लाबाबे जाफुंनारय नइ। दासान्दि नंखाय बाश्रा बुंनानै राइजो-राजाफोरखौ गोनो-गोथोथाव खोख्लेनानै जुदि माबाफोर जाथाय सोमजियोब्ला बेनि दार्यनिगिरिआ हिमन्त बिश्व शर्माया जागोन होननानै हाग्रामा महिलारीआ फोरमायबवो। हाबाफारियावनो 30 नं गरेश्वर बियाबनि बि पि एफनि बिजाथि महेश्वर बसुमतारीआबो गावनि बिबुंथियाव बि पि एफ हाज्जाया थानाय 17 बोसोर समनि गेजेराव बि टि सि हालामनि गासै बिथिइववनो जौगालु खामानि मावबोनाय हिसाबै बे खेबावबो बे हालामनि राइजो-राजाफोरनि हेफाजाब एवा भट मोननार्यनि गेजेरजों बि पि एफआ फिन सरकार दाफिनगोन आरो गरेश्वर हालामनि राइजो-राजाफोरनिफ़्राय भट मोननार्यनि गेजेरजों गामनि देरहानायाबो रोखा होननानै बुंथियो। १

## बि टि सि परिषद बिसायख 'थिनि फोसावदिंनायाव मन्थि चन्दन ब्रह्म

बसुमतारीनि हेफाजाबाव ओनसोलनि राइजो-राजाफोरजों मोगा-मोगि सावरायनायाव आरो बाश्रा बुंथिनायाव बाहागो लादों आसाम सरकारनि मन्थि चन्दन ब्रह्मआ। बे मेलआव बाहागो लानानै मन्थि चन्दन ब्रह्मआ गावनि बिबुंथिनि गेजेरजों मोनद' हारिसाफोरखौ एस टि खालामनार्यनि बाश्रा रायखानानै एस टि खालामनार्यनि सोमोन्दोआव थाबैनो बिसोरनि दाबिखौ मावफुंनगौ होननानै रायखानानै बि टि सि सरकारनि फारसेनिफ़्राय एन अ चि एवा जेबो अजद गैया होननानै बुंथियो। फारसेथिं बे मेलआवनो मन्थि ब्रह्मआ बि टि सि ओनसोलनि राइजो-राजाफोरनि समान जौगानार्यनि स्वार्थआव खामानि मावलांगोन होननानै रायखाइ। बे हाबाफारियाव कालिफुखि भि सि डि सिनि बारग'सियारमेन महेश्वर राय, सुरेनसिं राय, ओनसोलनि गागि सुबुं एवा आर्जिरा मोननाय फोरोंगिरि इन्द्र महन रायमोनजों लागोसो गोवां सुबुंफोराबो बाहागो लादोंमोन। धोरोमनि मुइव बोखावनाय, हारिनि मुइव गावस्राहोदों होननानै गोख्रों अजद खालामनानै फ़ैगौ एप्रिल दानावा खुंजानो गोनां बिसायख'थिनि थाखायसो बि जे पि दोलोआ राजखान्थि खालामनो बि टि सि ओनसोलाव हांखुर जादों होननानै बुडो मन्थिआ। फारसेथिं बिसायख'थिनि फिथायनि सोमोन्दोआवबो मन्थि ब्रह्मआ सालाकाटिआव दिनें खुंनाय गेदेर सुबुं गौमानि महरानो रोखा खालामदोदि सालाकाटिनि बिजाथि देरहासाद बसुमतारीआनो देरहानाया रोखासै। के ए सिनि सोमोन्दैबो मन्थिआ बुडोदि बि पि एफ दोलोआ कच राजबंशिफोरनि थाखाय के ए सि जानायखौ हास्थायो। बे मेलआवनो ओनसोलनि राइजो-राजाफोरनि साननाय हनाय आरो अजदफोरखौ लानानै थाबैनो दोलोआ समाधान खालामनो नाजागोन होननानैबो मन्थिआ गावनि बिबुंथियाव रायखांवावो। गुबुन फारसेथिं खारिनिया भासा तिलापारायाव खुंनाय गुबुन मोनसे मेलआव ओनसोलनि बि जे पि, इइ पि पि एल दोलोनिफ़्राय स 34 सुबुंफोरा बि पि एफ दोलोआ हाबफ़ैयो। कभिड -19 गोसुनार्यनि समावबो माखासे राजखान्थि दोलोफोरा खाबु लानानै गुबुन गुबुन थाखोनि दैदेनगिरि, मावफारियाफोरखौ लोगो हमनानै बियाबनि राइजो-राजाफोरनिफ़्राय गोसो देरहानाय आरो भट बिनार्यनि सावगारिखौ बे समाव नुनो मोनदों। मोनफ़्रोमबो बि टि सि बियाबनि ओनसोलफोराव गुबुन गुबुन राजखान्थि दोलोनि दामि-दामि गारि मथरफोरजों रोजा-रोजा हेफाजाबगिरिफोरनि बाहागो लानायाव सुबुंफोरनि लोब लोब बाहागो लानायखौ नुनो मोनदोंब्लाबो नाथाय बिसोरनि गोसोया बबे दोलोजों बेनि सायाव फ़ैगौ समआसो फोरमायगोनो। दासान्दि मोनफ़्रोमबो राजखान्थि दोलोफोरनि मेल मिथिंआव सुबुंफोरनि लोब-लोब बाहागो लानायखौ नोजोर बोयोब्ला बबे दोलोआ देरहागोन बेनि फारसे थार फिथायखौ बुंनो हानाया गोब्राब १

## कार्बि आंलंजों लोगोसे हाजो जिल्ला मोनथामखौ मुलुगनि दावबायथिलि खालामनो राज्यो सरकारआ बिथांखि लादों : गिबि मन्थि

गोख्रों खालामनार्यनि थाखाय गुबुन गुबुन जौगालु खामानि दामानिजों राज्योखौ गोख्रों महराव लानानै थानार्यनि थाखाय राज्यो सरकारआ सान-हर खामानि मावगासिनो दइ। राज्योनि सम्पद आरो जानो हाथावफोरखौ थि समावनो बाहायनायजों राज्योखौ जौगानार्यनि मोनसे गोदान लामाजों लानानै थानार्यनि थाखाय राज्यो सरकारआ बिबान लानानै नाजानायखौ सोलिहोगासिनो दइ। राज्योनि हाजो जिल्ला मोनथामखौ दावबायथिलि थावनि खालामनो रायखानानै गिबि मन्थिआ बुडोदि, कार्बि आंलंजों लोगोसे हाजो जिल्ला मोनथामखौ मुलुग दावबायनार्यनि गुबुन मोनसे थुलुंगांथाव जायगा हिसाबै खालामनार्यनि थाखाय राज्यो सरकारआ मोनसे मावथांखिखौ आखायाव लादों। गिबि मन्थिआ बुडोदि बि जे पि दैदेननाय राज्यो सरकारआ राज्योनि मोनफ़्रोमबो थाखोनि सरासनन्ना सुबुंफोरखौ लोगोसे लानानै राज्योखौ दुलाराय जौगाखां आरो गोख्रों महराव लानार्यनि थाखाय थॉंखि लादों। थानाय 4 बोसोर खावसे समनि खुंथायाव राज्यो सरकारआ सम्पद दिहुनथायनि थांखिजों राज्योनि साफ़्रोमबो बाहागो लानायाव समान जौगानार्यनि स्वार्थआव लामा आरो दालांफोरजों लोगोसे गुबुन गुबुन गुदि जौगालु खामानिफोरखौ आखायाव लानाय जादों। सुबुं सम्पदनि जौगाखांनि थाखाय सोलोंथायनि फारसे रायखानानै बे बिथिइव गाव-गावनि फिसाज्ला-फिसाजोफोरखौ बांसिन गोसो बोहोनायाव गोनांथार होनार्यनि थाखाय फोरोंगिरि-फोरोंगिरिजो आरो दिथागिरिफोरखौ गिबि मन्थिआ खावलायो। हाजो जिल्लाफोरनि सरासनन्ना सुबुंफोरनि गेजेरव खौसेथिनि बान्दोखौ गोख्रोंंसिन खालामनानै गोजोन आरो जौगानार्यनि लामा दिहुनना होनार्यनि थाखाय गिबि मन्थिआ कार्बि आंलं गावखुंथाय गौथुमनि गाहाय मावफुं सोद्रोमा तुलिराम रंहांखौ साबायखर जासियो। कार्बि आंलं जिल्लानि दुलाराय जौगानार्यनि फारसे बिबान थानाय राज्यो सरकारनि बाश्रा होनार्यखौ रायखानानै गिबि मन्थिआ बुडोदि माखासे गोदान जौगालु राहाफोरखौ राज्यो सरकारआ आखायाव लानानै थाबैनो फिन खेबसेबाव हाजो जिल्लायाव दावबायगोन होननानै मिथिहोयो। दिनेंनि बे हाबाफारियाव हाजो ओनसोलनि जौगाखां बिफाननि मन्थि सुम रंहां, बकाजान बियाबनि एम एल ए ड- नमल ममिन आरो कार्बि आंलं गावखुंथाय गौथुमनि गाहाय मावफुं सोद्रोमा तुलिराम रंहांआबो बिबुंथि लाखिदोंमोन १

## एम बि बि एसआव मुंथिसननानै ओनसोलाव गोगानाय लाबोदों चिरां जिल्लानि आलिसा हाज वारीआ

एस थाखोआव मुं थिस'ननो हानानै जिल्लानि आरो ओनसोलनि थाखाय देरगानाय लाबोदों। बिक्रमपुर गामिनि थागिबि बेनेडिक हाज वारीनि आंगोनि फिसाजो आलिसा हाज वारीआ 'निट' आनजादाव उथ्रिनो हानानै दिफु मेडिकेल कलेजआव एम बि बि एस थाखोनि थाखाय मुं थिसन्नो हादों। आलिसा हाज वारीआ गावनि थॉंखि आरो सिमां बादिदियै एम बि बि एस कसंखौ आबुडै फोजोबनो हानानै जाफुंसार जाहैनो हागोनखौ मिजिंथिनाय फोरमायदों लोगोसे बिफा बेनेडिक हाज वारीआबो एम बि बि एसखौ जाफुंसार खालामनानै नख'रनि, ओनसोलनि आरो जिल्लानि थाखाय फोगानाय लाबोनो हागोनखो गावनि फिसाजो आलिसा हाज वारीनि सायाव मिजिंथिनाय फोरमायदों १

## सालबारि बियाबआव बि पि एफ, बि जे पिनि गोवां मावथिफोरा इउ पि पि एलआव हाबफैदों

होनानै देरहासाद खालामनो मेलआव बाहागो लानाय राइजो-राजाफोरखौ खावलायो। मख'नो गोनांदि, दिनें इउ पि पि एलनि सालबारियाव थानाय मावखुलियाव बुनमाजा ओन्सोलनि सासे दैदेनगिरि इमाम हाइदर आलि, बि पि एफनि मावथि एमे दिलाल हसेइन, सादिक आलि, नुर आमिल आलि, बक्कर सेड्डिक आलि, इउसुब आलिमोनहा बि पि एफ दोलोखौ नागारनानै इउ पि पि एल दोलोआव हाबफ़ैयो। एरैहाय सलिकान्दा बाजारारव इउ पि पि एलनि मोनसे बिसायख'थि मावखुलिखौ बेखेवो बिजाथि बिनद मुसाहारिआ। बे हाबाफारियावबो बि पि एफनि मावथिफोर फारियै आकास आलि, काजिमुदिन, सुकुल आलि, देलबर हुसेइन, साहजान आलि, आयुब हुसेइन, गन' सुरक्षा पार्टीनि मावथिफोर आलि हुसेइन, ताइजुदिन, आब्दुल मालेक, करिम उद्दिन, मसेर आलि, उसमान गनि, आस्नापुल आलम, बाबुल हुसेइन मोनहा दोलो नागारनानै इउ पि पि एलआव आखाय हमफ़ैयो १

## चिमेन सापरिआव दुलाराय बर' गुदि फोरोंगिरि गौथुमनि बोसोरसालिया जथुम्मा खुंनो रायदाव आफाद दादों

गाहाय नेहाथारी कामिनि बसुमतारी, नेहाथारि रनसायग्रा बसुमतारीमोननि बाहागो लानायाव जानाय गेवलां मेलावनो फ़ैगौ बोसोरनि 23 जानुवारि अक्ट'खालि चिमेन सापरि एस बि बर' गोर्जो फरायसालियाव खुंनो लानाय दुलाराय बर' गुदि फोरोंगिरि गौथुमनि खुंगा 32 थि बोसोरसालिया जथुमनि रायदाव आफाद दाफुंनाय जायो। बे आफादाव मिर्सिं गावखुंथाय गौथुमनि मावफुं सोद्रोमा मलेन्द्र नार्जारीखौ आफादगिरि, लक्षिमपुर जिल्ला बारग' बि एल टि अनसाइ आफादनि आफादगिरि सानसुमा बसुमतारीखौ मावफुं आफादगिरि, फोरोंगिरि बिनय स्वर्गियारी, मिर्सिं गाव खुंथाय गौथुमनि सोद्रोमा रातिराम बसुमतारीखौ लेइइ आफादगिरि, दुलाराय बर' गुदि बर' फोरोंगिरि गौथुमनि मिरु सोद्रोमा दयाराम बसुमतारीखौ गाहाय नेहाथारी, धेमाजि जिल्ला इउ बि पि अनि गाहाय नेहाथारी दिपांकर नार्जारी, जनाइ जिल्ला बर' थुनलाइ आफादनि नेहाथारी महादेव नार्जारीखौ लोगो मेहाथारी हिसाबै लानानै मोनसे गोख्रों रायदाव आफाद दाफुंनाय जायो। एस बि बर' गोर्जो फरायसालिनि गावनि फोरोंगिरि देरेन्द्र बसुमतारी, लोगो गाहाय फोरोंगिरि ललित चन्द्र बर', धेमाजि जिल्ला इउ बि पि अनि लेइइ आफादगिरि जनाराम ब्रह्म, धेमाजि जिल्ला आबोफनि बोसोनगिरि सोर्जिला औवारि, जनाइ जिल्ला बर' थुनलाइ आफादनि नेहाथारी कल्पना स्वर्गियारीमोनहा बाहागो लानाय गोनां मेलआवनो रायदाव आफादखौ दाफुंनार्यनि अनगायैबो फोरोंगिरि भबेन दैमारीखौ आफादगिरि आरो प्रसेनजित मुसाहारीखौ गाहाय सुजुगिरि हिसाबै लानानै मोनसे बिसर्बिब सुजु आफाद दाफुंनाय जायो। बेनि अनगायैबो रंखान्थि, आदार, साइनासालि, दै जगायथाय, आलासि जिरायसालि, फिरफिला बिरहोनाय बायदि माखासे लेइइ आफादफोरखोबो दिनेंनि बे गोनां मेलआवनो दाफुंना लानाय जायो १

## गिबि मन्थि सनवालआ माजुलि हारिमुवारि मुलुगसोलोंसालिनि वेबसाइट बेखेवदों

सोलोंथाय फसंथान। बे मुलुगसोलोंसालिनि गेजेरजों राइज्योनि हारिनि आरो समाजयारिनि बिथिइव गोवां जौगानाय लाबोगोन। आसाम सरकार राइज्योनि दाब-दाब जिल्लाफोराव कलसरैल इडनिभार्सिदि गाइसनबावनो थाखाय थॉंखि लादों। लोगोसे देरंसिन असमीया समाजखौ गोख्रोंंसिन खालामनो थाखाय माजुलि हारिमुवारि सोलोंसालिखौ जौगा थाखोनि राहाफोरखौ जगायनानै होनार्यनि थाखाय रहा लागोन। गिबि मन्थिआ गावनि बिबुंथियाव बुंबावोदि, बे हारिमुवारि मुलुग सोलोंसालिया राइज्योनि हारिमु धोनखौ गाब गोनांसिन खालामनाय आरो फोजौखांहोनार्यनि बेलायाव राइज्योनि लाइमोनफोरनि थाखाय मोनसे दोहौ सोमयिखांहोगोन। बे मुलुग सोलोंसालिखौ राइज्योनि मोनसे हारिमुवारि दारिमिन महर होनांगौनि गोनांथि दं आरो बेनि थाखाय राइज्यो सरकारा नांगौ रोखोमनि रहा लागोन होन्नानै गिबि मन्थिआ बुंबावो। बेजों लोगोसेनो आसामनि थागिबि हारिफोरनि दोरोडारि जौगाखां रहा, गोजाम हारिमु बायदिफोरनि ससायाव रिसार्च खालामनांगौनि थाखाय मुलुग सोलोंसालियाव आयदाफारि सोसनफानांगौ। जाहाथे बे मुलुग सोलोंसालियाव गुबुन हादतफोरनि थाखाय गंसे मडेल मुलुग सोलोंसालि जानो हायो। बे मुलुगसोलोंसालिया गोनांथि जानाय मासिफोराव थाबैनो फोरोंगिरिफोरखौ थिसन्नायनि रहा लागोन होन्नानैबो गिबि मन्थिआ खोथा होबावो। दिनेंनि बे मुलुगसोलोंसालिनि वेबसाइट बेखेवनाय हाबाफारियाव गिबि मन्थिजों लोगोसे उत्तर कमलाबारि सत्रनि सत्राधिकार जनार्धन देव गस्वामि, श्रीमन्त शंकरदेब कलाक्षेत्रनि नेहाथारि सुदुर्शन ठाकुर, माजुलिनि जिल्ला बेंगिरिमोनजों लोगोसे गुबुन गोवां बिबानगिरिफोरा बाहागो लादोंमोन १

## उदालगुरि जिल्ला गथ 'सा रैखाथि आफादनि बान्जायनायाव मुलुगनां गथ' खानाय दाननि सोमोन्दोयाव सांग्रांथियारि मेल

बेनि थॉंखिजों सरासनन्ना सुबुंफोरखौ सांग्रांथि खालामनाय आरो मिथिहोनारयजों शुक्रबारखालि उदालगुरि देहा मिरुनि जथुमग्रा खथायाव उदालगुरि जिल्ला गथ'सा रैखाथि आफादनि बान्जायनायाव मुलुगनां गथ' खानाय दाननि सोमोन्दै मोनसे सांग्रांथियारि मेलखौ खुंनाय जायो। खमैबो सा 100 निबो बांसिन आसा मावफारि आरो फरायसफोरनि बाहागो लानायाव जानाय बे सांग्रांथियारि मेलआव उदालगुरि जिल्ला बिजिरसालिनि बिजिरगिरि आरो उदालगुरि जिल्ला गथ'सा रैखाथि आफादनि बोसोनगिरि जयन्त ब्रह्मआ बिबुंथिनि सिगाइव आयेन बेरेखायै गथ' खानाय, 2015 आयेनारि खान्थि, गथ'सानि आयेन रैखाथि आरो फिसा खानाय बायदि बिथिंनि सोमोन्दोआव गोनां बाश्राफोरखौ बुंथियो। उदालगुरि जिल्ला गथ'सा रैखाथि आफादनि बिबानगिरि गौतम सहरियाआ मेलखौ जागायजेननानै गावनि बराय बिबुंथिनि सिगाइव बुडोदि आयेन बेरेखायै गथ' खानाया गथ'सा फालांगि बादि मोनसे दायगोनां हाब। जायनि थाखाय 3 बोसोरसिम जोबथेसालिनि साजा आरो 1 लाख रं जुरिमाना जानो हागौ होननानै बुडो। फारसेथिं बे हाबाफारियाव फुंखा सुबुं महरै बाहागो लायो ड० दिपांकर ठाकुरिया, ड० राग मोसाहारि, एम आर डि एस एन जि अनि आफादगिरि मिलन दास, उदालगुरि जिल्ला जुभिनेल जास्तिस बर्डनि सोद्रोमा ललित डेका, सहदेब गौतम, रबिन डेका, अलकेस शर्मा, सि डब्लिउ सिनि मावफारि बेरलिका बसुमतारी, बुद्ध बसुमतारी आरो जिल्ला चाइलडलाइनिन सामलायगिरि ललित बर', भुमिता बसुमतारी, कअर्डिनेटर रश्मि बरगयारी, मावफारिया अरुप बर'आबो बाहागो लादोंमोन १

## सोलायनाय, मोजां खुंथाय आरो जौगानार्यनि थाखाय राइजो-राजाफोरा बि जे पिनो भट होगोन: हिमन्त

गुबुन राजखान्थि दोलोफोरनि बिसायख'थि फोसावदिंनाया बिटिसिनि गासैबो बियाबफोरवनो गावजों-गाव होंगो-दोंगो जानायखौ नुनो मोन्दों। गाहायै बिपिएफ इउ पि पि एल आरो बि जे पिनि गेजेराव बांसिन बिसायख'थि फोसावदिंनार्यनि जुजिलायनायखौ नुनो मोन्दों। दिनेंबो कक्राझार जिल्लानि दतमा बियाबनि सिडव थानाय सेरफांगुरियाव बि जे पि दोलोनि मोनसे बिसायख'थियारि फोसावदिं मेलआ जानानै थाइ। दतमा बियाबनि बि जेपिनि बिजाथि बिभुति बरगयारिनि थाखाय बिसायख'थि फोसावदिं मेलआव बाहागो लाफ़ैयो आसामनि मन्थि ड० हिमन्त बिश्व शर्माआ। बे मेलारव बाहागो लाफ़ैनानै मन्थि शर्माआ गावनि बिबुंथियाव फ़ैगासिनो थानाय 7 आरो 10 डिसेम्बराव खुंजानो गोनां बि टि सिनि बिसायख'थियाव बांसानखौ मासि देरहानानै बि जे पिआ सरकार दगोन होन्नानै गोख्रोडैः दाबियो। बिथाइ बुंबावोदि, सोलिफु बि जे पि दैदेन्नाय आसाम सरकार राइज्योनि गासै हारि-हारिसाफोरनि थाखाय समान जौगाथाय आरो अन्सायलु खामानि मावनानै होनाय आरो राइज्योयाव गोजोन, खौसेथि आरो जौगाखां आबहावा सोमजिहोनार्यनि थाखाय बे खेबाव राइजो-राजाफोरा बि टि सिआवबो बि जे पिखौ हेफाजाव होनो लैहोर-लैहोर सिगांनदों। एरैहाय थानाय 17 बोसोर सम बि टि सिखौ खुंबोनाय बि पि एफ दोलोनि सायाव गार्लोबनानै मन्थि शर्माआ बुंबावोदि, बि पि एफ दोलोनि दैदेन्नाय बि टि सि सरकारा थानाय 17 बोसोरगव राइज्यो सरकार आरो मिरु सरकारनिफ़्राय गोवां कौटि-कौटि रं लाबोदोंब्लाबो नाथाय बि टि सिनि थागिबि सुबुंफोरनि थाखाय जेबो खामानि मावनानै होनो हायाखिसै आरो जौगाथाय बिथिंनि खामानि मावनयाव आवुडैः फेलें जादों। लोगोसे 17 बोसोरव हाग्रामा महिलारि दैदेन्नाय सरकारनि समाव गोवां कौटि-कौटि रॉनि जाख्त'नाय आरो गेनाखान्थि सोलिदों होन्नानै गोख्रों रावजों गार्लोबो। फ़ैगासिनो थाखाय बि टि सिनि बिसायख'थियाव बि जे पि दोलोआ रावबो दोलोजों गोरोबथा खालामाखै होन्नानै मन्थि शर्माआ फोरमायथिनायजों लोगोसे फ़ैगौ 10 डिसेम्बराव खुंजानो गोनां ब



# अक्सफर्डनि भेक्सिनआ आबुडै रैखाथि आरो बान्जाय जाथाव

लन्डन, 27 नभेम्बर : अक्सफर्ड इन्स्टिट्यूट आरु मुलि कम्पनीनि एस्ट्राजेनेकानि भेक्सिनखौ लानानै माखासे सौथि सिखांदों। बेनि गेजेरजों कम्पनीनि सिएअ पास्कल सरिअटआ फोसावयोदि, बिसोर मुलुग नाडैनि भेक्सिननि उफ्रा ट्रायल खालामनायनि सायाव सानगासिनो दड। आथिखालाव बिथाडा बे बाश्राखौबो रोखा खालामना होयोदि, बे ट्रायलआ आथिखालाव सोलिबाय थानाय ट्रायेलनिफ्राय आलादा आरो बेखौ बाडइ सुबुंफोरनि सायाव होनाय जागोन, जाहाथे बिथाइया थाबैनो नुजाथियो। करना इनफेक्सनजों भुगिनांनय गासै मुलुगआ आथिखालाव एस्ट्राजेनेकानि भेक्सिनखौ गोबां मिजि थिदों।



रिपर्टनि बायदिब्ला, अक्सफर्डनि भेक्सिननि खावसे इपआ फुल इपनि रुजुनायाव साबसिनै खामानियाव होदों। बे जेनानि गेजेरजों कम्पनीनि सिइअ पास्कलआ बुडोदि, जों हमदांनो मोनोदि, जोंनि भेक्सिनआ हमदांनफ्राय बांसिन मोजाइ गोहोम खोखलैनो

हानायनि गोहोखौ मोनो हाबाय। बेनि थाखाय जों मोनसे उफ्रा नायबिजिनरनायनि गोनांथि दड। बेयो मोनसे हारिमायारि नायबिजिनरनाय जागोन, नाथाय दानि ट्रायलजों बेखौ आलादा खालामनाय जागोन। लागोसे बेखौ बाडइ सुबुंफोरनाव आरो गोखोइ खालामनाय जागोन।

बे सीराम इन्स्टिट्यूट अफ इन्डियाआ सुबुंफोरखौ गिनाड आरो एस्ट्राजेनेकानि भेक्सिननि सायाव आबुडै फोथायनाय लाखिनो थिनो। सिआइआइआ बुनाय बायदिब्ला, बे भेक्सिनआ आबुडै रैखाथि गोनां आरो बान्जायजाथाव। भारतआव बेनि ट्रायेलखौ गासै प्रटकल्सखौ फालिनानै खालामनाय जादों। सुलुडाव फोरमायनाय बाइदिब्ला, पुगेयाव थानाय सीराम इन्स्टिट्यूटआ बे भेक्सिनखौ दिहुनानै भारतआव बेनि किलनिकेल ट्रायेलखौ खालामनाय जादों। बेजों लोगोसे एस्ट्राजेनेका आरो अक्सफर्ड इन्स्टिट्यूटआ बे ट्रायेलनि समाव माखासे सुबुंफोरनि सायाव होनाय भेक्सिननि इपआ गोरौन्थि जादोंमोन होनानै गनायदों।

# निभार बारहुंखाजों सा 5 सुबुंफोरनि जिउया गोमादों

चेन्नाइ, 26 नभेम्बर : चक्रवात बारहुंखा 'निभार' आ तामिलनाडु आरो पुडुचेरीनि बोरिमाजों सौग्रावनायनि उनाव बे दरनैबो राइज्योफोरजों लोगोसे न'सु राइज्यो अन्ध प्रदेशयाव गोखै बारहुंखा बारनायजों लोगोसे गोबां अखा हादों। 1 घन्टायाव 130-145 कि:मि: बरलांनो हानाय बारहुंखा बारनाय आरो गोबां अखा हानायजों जायगा जायगा दै बाना लोमसावदों, बिफां गुगादों, मोब्लिब गोहो जगायना होनाय आरो इन्टारनेट सिबिथायखौ जगायना होनायबो हेंथा गोनां जादों आरो सुबुंफोरनि जिउ खुनायाबो जेना गोनां जादों। गोखों बारहुंखा बारनायनि जाहोनाव सा 5 सुबुंफोरनि जिउया गोमादों आरो सा 3 सुबुंफोरा जोखोम जादों। आथिखालाव बारहुंखा बारनाया



लोरबां जाबाय। थासारिजों जुजिनो थाखाय दर 3 राइज्योफोरनि बोरिमा ओन्सोलाव एनडिआरएफनि 25 हान्जाफोरखौ थिसन्याय जादों। मिरुनि न'खरारि मन्थि अमित शाहआ तामिलनाडु आरो पुडुचेरीनि गिबि मन्थिफोरजों फनआव बाश्रा सावरायना मिरुनफ्राय गासिबो रोखोमनि

मदत होनो खोथा होदों। मिरुआ दरनैबो राइज्योफोरनि थासारिखौ खाथिजों नोजोर लाखिदों। तामिलनाडु सरकारनि बादिब्ला, निभारनि जाहोनाव राइज्योआव गं 101 था न'फोरा ख'हा जादों, 1028 बिफांफोरा गुगादों आरो 14 एकड हानि थालिरि बागानआ ख'हा जादों। बेनि अनगायै मा 26 मैफोराबो थेंदों। बिफां-लाइफां गुगानायखौ बोखारना होनाय जाबाय आरो मोब्लिब गोहोखौ जगायना होनाय हाबाफारिखौ मावनाया जागायजे नबाय। बासनि सिबिथायफोरखौ राइज्योनि दर 7 जिल्लाफोराव जगायना होनाय जाबाय। बेनि अनगायै उरां जाहाज, मेट्र आरो रेल सिबिथायखौबो जगायना होनाय जाबाय। गिबि मन्थि के पलानीस्वामीआ बिफांफोर गुगानायखौ बोखारना होनाय आरो गोनांथि जानायफोरनो हेफाजाव होनायनि थाखाय ग्रेटार चेन्नाइ करपरेसन आरो ग्रेटार चेन्नाइ पुलिसखौ

बाखायदों। बियो कुडडालर आरो माखासे गुबुन ओन्सोलाव चक्रवात बारहुंखाजों ख'हा जानायखौ नायबिजिनरदों आरो दुखु मोनानाय सुबुंफोरखौबो लोगो हमदों। राइज्योआव गासै 2.27 लाख सुबुंफोरखौ गं 3085 रिलिफ केम्पयाव दोन्दों। मिरुजों खुंजानाय राइज्यो पुडुचेरीनि गिबि मन्थि बी. नारायणस्वामीआ फोरमायदोंदि, खोलोब हिसाबे राइज्योआव मोब्लिब गोहोखौ जगायना होनाय जादों। चक्रवात बारहुंखाजों ख'हा जानायखौबो नायबिजिनरनाय जादों। गोहोम गोग्लैनाय ओन्सोलफोराव दावबाय हैदों। सुबुंफोरनाव न'आवनो थानो आरो ना हमग्राफोरखौ लैथोमायाव थाबैनो आर'ज गाबनाय जादों। अन्ध प्रदेशयावबो चक्रवात बारहुंखा गोहोम गोग्लैदों आरो बेवहाय गोबां अखा हादों, जायजों सरासन्ना जिउ खुनाया जेना गोनां जादों।

# उरिष्यानि आइ एफ एस बिबानगिरिफोरनि न'याव खना-खनला सिग्रोमदों



भुबनेश्वर, 27 नभेम्बर : उरिष्यानि आइएफएस बिबानगिरि अभय कान्त पाठकनि न'याव खना-खनला सिग्रोमनायाव कौटि रानि सम्पतिखौ मोनथिनो हादों। सा 150 सांघ्रां बिबानगिरिफोरनि मोनसे हान्जाया 1987 बेचनि आइएफएस बिबानगिरि अभय कान्त पाठकनि न' आरो गुबुन परिसदआवबो खना खनला सिग्रोमदों। गागि बिबानगिरिआ बुंदों, बिनि गोबां सम्पतिखौ नुनानै गोमोदोंमोन। बिबानगिरिआ भुबनेश्वर, पुने, मुम्बाइ, खगडिया आरो उदयपुर बादि माखासे जायगाफोराव पाठकनि सम्पतिखौ सं दानो थाखाय खना खनला सिग्रोमदों। बि बिजिलेन्स बिफाननि खना खनला सिग्रोमनायाव मोनथिनो मोन्याय जादों आइएफएस बिबानगिरि अभय कान्त पाठकआ लकडाउननि समाव चार्टर्ड फ्लाइटजों 20 खेब दावबायदों, जेराव बियो 3 कौटि रांखौ खरसा खालामदों। बेनि अनगायै बियो पुनेआव गावनि फिसाज्जलानि थाखाय मोनसे प्लेट आरो मोनसे फार्म हाउसखौबो बाहायाव लादों, जायनि बाहाया दानसेयाव 5 लाख रांमोन। बेजों लोगोसेनो उनाव लागजारी गारिफोरखौबो मोनो हादों। बिबानगिरिनि बादिब्ला, अभय कान्त पाठक आरो बिनि न'खरखौ जिम्मायाव लानाय जाबाय आरो बिसोरनाव सौथि सों नाया सोलिगासिनो दं।

# भारतआव करनानि केसआ 93 लाखनिफ्राय बांसिन जाबाय

गोदान दिल्ली, 27 नभेम्बर: भारतआव सानसेयाव करना भाइरसनि 43,082 गोदान केस मोन्याय जादों, जायनि उनाव हादरआव गासै केसनि अन्जिमाया 93,09,787 जादों। मिरुनि गाहाम देहा मावख'नि बादिब्ला, भारतआव थांनय 24 घन्टायाव कभिड-19 जों 492 बेरामिफोर थेंदों, जायनि उनाव गासै थैनायनि अन्जिमाया 1,35,715 जादों। हादरआव आथिखालाव 4,55,555 एक्टिभ बेरामिफोर दड, जेराव 87,18,517 बेरामिफोर बे बेरामिफोर बारग'बाय। थांनय 24 घन्टायाव 39,379 बेरामिफोरखौ देहा फाहामसालिनिफ्राय रेहाय होबाय। जेराव रिक्भारि रेटआ 93.66 जौखोन्दो जादों, बेरामिफोर हादरआव थैनायनि बिबाड 1.46 जौखोन्दो



जादों। महाराष्ट्रआव आथिखालाव 85,963 भाइरसनि सांघ्रांथि बेरामिफोर दड, जेराव 46,813 बेरामिफोर थैबाय। राइज्योआव 18,02,365 बेरामिफोर मोजां जानानै देहा फाहामसालिनिफ्राय न'आव थांफिनबाय। माहारियारि राजथावनि दिल्लीयाव बृहस्पतिबारखालि करना भाइरसनि 5,475 बेरामिफोरखौ मोन्याय जादों। बे समाव बेवहाय 91 बेरामिफोर थेंदों। दिल्लीआव कभिड-19 नि गासै 5.51 लाख केस मोन्याय जादों।

# जम्मु-काश्मीरनि राजौरि जिल्लयाव पाकिस्ताननि गुलि गावनायाव सानै जवान मुंख्लं जादों

जम्मु, 27 नभेम्बर: पाकिस्तानआ एलअसिआव लांन्थियै सिसफायारखौ सिफायो। शुक्रबारखालि बिसोर जम्मु-काश्मीरनि राजौरि जिल्लयाव गोबां गुलि गावो। जेराव भारतयारि सान्थि सानै जवानआ मुंख्लं जायो। रैखाथि बिफाननि बादिब्ला, पाकिस्ताननि सान्थिआ शुक्रबारखालि राजौरि जिल्लानि सुन्दरबनी सेक्टरआव गुलि

गावयो। बेयाव सान्थिनि सानै जवान जोहोलाव प्रेम बाहादुर खत्री आरो राइफलमेन सुखवीर सिंआ गोब्राबै जोखोम जायो। बेनि उनाव बिसोर जिउ नागारो। भारतयारि सान्थिफोर गोखोइ बेनि फिन्नाय होयो। अदेबानि बृहस्पतिबारखालि सान्जौफुनि 1.30 सिगायावबो पाकिस्तानआ पुन्ड जिल्लानि किस्ती, कस्बा आरो शाहपुर सेक्टरफोरव मर्टरजों लोगोसे फिसा हाथियारफोरजों गुलि गावो। बेयाव सान्थिनि सुवेदार स्वबन्त सिंआ मुंख्लं जादोंमोन आरो सासे नोगोरारिआ



जोखोम जायो। स्वतन्त्र सिंआ उत्तरखन्डनि गडवाल जिल्लानि थागिबिमोन। माखासे साननि सिगांनो पाकिस्ताननि सान्थिआ पुन्डनि डिगवार, मालती आरो दल्लन ओन्सोलफोरावबो सि स फायारखौ सिफायदोंमोन।

# मुलुगआव बयनिखुइबो बांसिन गान्जा सोबनायनि केसआ दिल्लीआ 3 थि आरो मुम्बाइआ 6थि नम्बरआव दड

गोदान दिल्ली, 27 नभेम्बर : फावखुंगुर सुशान्त सिं राजपुत थैनायजों सोमोन्दो गोनां ड्रग्स एंगलआ बालांगासिनो दड। शनिबाराव एनसिबिआ कमेडियान भारती सिं आरो बिनि फिसाय हर्ष लिम्बाथियाखौ गान्जा दोन्यायनि दाय जाबथिसनाने ग्रेप्टार खालामदोंमोन। आथिखालाव सानैबो जामिन मोनबाय। भारती आरो बिनि फिसायनिफ्राय एनसिबिआ 86.5 ग्राम गान्जा मोन्दोंमोन। बिसोर सानैआ ड्रग्स लानायनि बाश्राखौबो गनायदोंमोन।



फारिलाइखौ बानायदोंमोन। बे फारिलाइआव फोरमायदोंमोनदि मुलुगनि बबे सहरआव बयनिखुइबो बांसिन गान्जाखौ सोबनाय जायो। बेनि सुबुंफोरा

बेसोरफोमबो 70 रोजा 252 किल' गान्जाखौ सोबो। 2 थि नम्बरआव पाकिस्ताननि कराची सहरआ दड, जेराव बेसोर नाडै 38 रोजा 56 किल' गान्जाया

खम जायो। मुलुग आ 1 व बयनिखुइबो बांसिन गान्जा सोबग्रा टप-10 सहरफोराव दिल्ली आरो मुम्बाइआबो

दंफादेरो। दिल्लीनि सुबुंफोरा बेसोरफोमबो 34 रोजा 708 किल' आरो मुम्बाइनि सुबुंफोरा 29 रोजा 374 किल' गान्जाखौ सोबो। एनसिआर बिनि अन्जिमानि बायदिब्ला 2019 आव 3.42 लाख किल'निफ्राय बांसिन गान्जाखौ हमना मोन्दों। बेवहाय 35 रोजा 310 सुबुंफोरा ग्रेप्टारबो जादों, जेराव 35 रोजा 26 हौवाफोर आरो 284 आइजोफोरा दडमोन। फार्सेंथि थांनय 5 बेसोरनि बाश्राखौ बुडोब्ला 2015 निफ्राय लानानै 2019 नि गेजेराव एनसिबिआ 14.74 लाख किल' गान्जाखौ हमदोंमोन। बेवहाय बयनिखुइबो बांसिन 3.91 लाख किल' गान्जाखौ 2018 आव हमदोंमोन।

# इटालीयाव करना इनफेक्सननि अन्जिमाया 53 रोजानि बांसिन जाबाय



गोदान दिल्ली, 27 नभेम्बर : इडर'पिय हादत इटालीयाव मुलुगयारि महामारि करना भाइरसजों दासिमाव 15 लाखनिखुइ बांसिन सुबुंफोरा

इनफेक्सन जाबाय आरो बे इनफेक्सननि गासै 53 रोजा सुबुंफोर अवथियारै जिउ गोमा नंखाय। सावसि बिफाननि बाइदिब्ला हादतआव थांनय 24

घन्टानि समाव करनानि सा 25,852 गोदान केसजों करना इनफेक्सननि गासै अन्जिमाया बांनानै 1,509,875 सिम सौहैयो आरो बे समाव बे भाइरसजों सा 722 सुबुंफोर थैनायफोरनि अन्जिमाया 52,850 सिम सौहैयो। बेनि अनगायैबो हादतआव दासिमाव सा 661,180 बेरामिफोरा करनाखौ फेजेनो आरो एक्टिभ केसनि अन्जिमाया 795,845। मख'नो गोनांदि, मुलुगनाडै करनानि केसआव इटालीआ 8 थि नाम्बाराव आरो गिबि नाम्बाराव आमेरिका, नैथियाव भारत आरो थामथियाव ब्राजिल।

# आइएसएल-7: नर्थ-इस्ट इउनाइटेड एफसिआ 2-2 गलाव केरेला ब्लास्टार्सनि हेँथायै ड्र गेलेदों

गवा, 27 नभेम्बर: कभिड-19 नि थासारिखों नोजोर होनाई हादरनि गवा राइज्योआव खुनाय एबा दासान्दि सोलिबाय थानाय 7 थि सिजन इन्डियन सुपर लीग सुंद'थै आइएसएलनि थानाय हरनि समाव मोनसे मेचखों नर्थ-इस्ट इउनाइटेड एफसिआ केरेला ब्लास्टार्स एफसिआ गेजेराव मोगा-मोगि गेलेयो। बे गेलेनाय मेचखों जोबथा समाव गल होनो हानानै नर्थ-इस्ट इउनाइटेड एफसिआ गोब्राबजों ड्र लाखिनो हादों।



अदेबानि 2-2 गलाव ड्र जानानै मोननैबो हान्जाया समान-समान पइन्टखों लानो हायो। मिबथिनाय बादिब्ला, गेलेनायनि सिगां समनफ्रायनो मोननैबो हान्जानि गेजेराव गोखों गेलेनायखों नुनो मोन्दोंमोनब्लाबो नाथाय बे मेचआव केरेला ब्लास्टार्सनि गेलेनाया साबसिन आरो गोखोंसिन जायो। जेराव गिबि हाफ टइमनि माखासे समाव मोननै गलखों होनो हानायजों केरेलाया 2-0 गलजों आवगायनो हायो। बेनि उनाव इउनाइटेड एफसिआ गेलेनायखों आलादा आदोबजों गोखोंसिन गेलेनाय 51 मिनटआव गेलेगिरि अफियाआ गिबि गलखों होनो हानायजों 1-2 गलआव लाबोनो हायो। बेनि उनाव बे गेलेगिरिआनो 65 मिनटआव गुबुन मोनसेबाव गलखों होनो हानायनि खाबु मोन्दोंमोनब्लाबो नाथाय फेनाल्टिन खाबुखों फेलें खालामना लायो। इउनाइटेड एफसिआ मेचखों जेनायनि लामायाव थांबाय थानाय समावनो जोबथा 90 मिनटआव गेलेगिरि इडरिस सिल्लाहाआ गोब्राबजों खाबु मोननायाव गलखों जोसन्नो हायो। अदेबानि खुनुरुखुमै इउनाइटेड एफसिआ 2-2 गलाव केरेला ब्लास्टार्स एफसिनि हेँथायै ड्र लाखिनो हानायवाव जोबोद गोजोन्नाय फोरमायो। मानोना केरेला ब्लास्टार्सआ बे मेचखों देरहानायनि मिजिं लानानै दइमोनब्लाबो उनाव समान-समान गल जानायजों हान्जाया गोजोन्नाय गैयै फोरमायो। मख'नो गोनांदि, बेनि सिगां गेलेनाय आइएसएलनि मेचखों नर्थ-इस्ट इउनाइटेड एफसिआ देरहानो हादोंमोन। फार्सेथिं केरेला ब्लास्टार्सआ बे सिजननि आइएसएलनि गेलेजेन्नाय मेचखों एटिके महन बागान क्लाबनि आखाइयाव 0-1 गलआव जेन्नो गोनां जानायनि उनाव थानाय हरनि समाव गेलेबावनाय नैथि मेचखों ड्र गेलेनो गोनां जादों। दासान्दि गवानि मोनथाम गेलेग्रा फोथाराव नायग्रा अन्सायारिफोर गैयालासेनो आइएसएलनि मेच गेलेनाया सोलिगासिनो दइ।

## इराननि वेट लिफ्टार नवाबआ 8 बोसोरनि उनाव अलिम्पिकनि सनानि मेडेलखों आजावदों



तेहरान, 27 नभेम्बर: इराननि लिस्थाय दैखंगा एबा वेट लिफ्टार नवाब नासिर सेलालआ थानाय 8 बोसोरनि उनाव अलिम्पिक गेम्सनि सनानि मेडेलखों आजावनो हादोंमोन। मख'नो गोनांदि, इराननि नवाबआ थानाय 2012 नि लन्डन अलिम्पिक गेम्सआव सनानि मेडेलखों देरहानो हादोंमोन। अदेबानि बे बोसोरनि नैथि जायगा लानानै दइमोनब्लाबो इउक्रेनि गेलेगिरि अलेक्सिआ इन्टरनेसनल अलिम्पिक कमिटिन नेमखाथिखों सिफायनारनि दायव इराननि गेलेगिरिआ सनानि मेडेलखों आजावनो हादोंमोन। इउक्रेनि गेलेगिरिनि सायाव दासान्दि इन्टरनेसनल अलिम्पिक कमिटिआ गोखों राहा लानायबो जादों। सुलुनि बादिब्ला, डपिंजों लोब्बा थानाय सन्देहजों बनि सायाव संदानाय जायो आरो जोबथायाव बनि मेडेल देरहानायखों नेवसिगारनाय जायो। गेलेनायाव इउक्रेनि गेलेगिरिआ 105 कि.ग्रा.नि इभेनआव बाहागो लानानै गिबि राउन्डआव ब्रैथि जायगा आवग्रिदोंमोनब्लाबो उननि समाव बांसिन लिस्थायखों दैखानानै सैथि सारिआव थायो आरो थोंजोडै सनानि मेडेलखों आजावनो हादोंमोन। इन्टरनेसनल अलिम्पिक कमिटिआ रोखा खालामनानै होदोंदि, इउक्रेनि गेलेगिरिनि मेडेल देरहानाय आइन बेरेखा जादों। जायनि थाखाय इराननि वेट लिफ्टारनो सनानि मेडेलखों गथायनाय जायो। बेनि उनाव हलेण्डनि लिफ्टार बार्थमेज बेकनो रुफानि मेडेल आरो उन्बेकिस्ताननि इभाननो ब्रन्जनि मेडेलखों गथायनानै हायो। इराननि गेलेगिरिआ थानाय 8 बोसोरनि उनाव लन्डन अलिम्पिक गेम्सनि सनानि मेडेलखों देरहानो हानायवाव एबा आजावनो हानायवाव जोबोद गोजोन्नाय फोरमायो।

## केप्टेन भिराट कहलीआ बुमराह, शामीखों सानसेयारि आरो टी-20 क्रिकेटआव दोन्थ 'नो थांखि लादों

गोदान दिल्ली, 27 नभेम्बर: भारतनि क्रिकेट हान्जाया दासान्दि अस्ट्रेलियानि हायाव टेस्ट सिरिज क्रिकेट गेलेनो थाखाय सौहेनानै दइ। बेनि गेजेरावनो भारतनि क्रिकेट हान्जायाव मिजिंथिजानाय गेलेगिरिफोरखों थिसननाय जादों। अदेबानि फेगौ बावेसो साननफ्राय गेलेनो गोनां क्रिकेट सिरिजनि सिगांनो केप्टेन भिराट कहलीआ हान्जानि सानै मिजिंथिजानाय गोखों बलार जसप्रीट बुमराह आरो महाम्मद सामीखों सानसेयारि क्रिकेट आरो टी-20 क्रिकेटआव दोन्थ 'नो थांखि लानाय बाश्राखों सुलुडव फोरमायदों। मख'नो गोनांदि, भारत आरो अस्ट्रेलिया क्रिकेट हान्जानि गेजेराव फेगौ शुक्रबारनिफ्राय मोनथाम मेचनि सानसेयारि क्रिकेट सिरिजखों गेलेगोन। बे सिरिजनि उनावनो



मोनथाम मेचनि टी-20 क्रिकेट सिरिजखों भारतनि हान्जाया अस्ट्रेलियानि हेँथायै गेलेगोन। केप्टेन कहलीआ बुडोदि, बिसोर सानै बलारआ थानाय समाव जालानाय आइपिएलआव गासै मेचखोंनो गेलेबोनायजों गोबां बलिं खालामनो गोनां जादों। अदेबानि बिसोरनि देहाखों नोजोर होनानै फेगौ सिरिजआव दोन्थ 'नायनि थांखि लादों

मेचआव 60 अभार बलिं खालामदोंमोन। भिराट कहलीआ गावनि हान्जा दैदेननायाव लाइमोनफोरखों गेलेनो खाबु होनो थाखाय सावरायदों आरो बेबादि गिदिरि क्रिकेट सिरिजआव गेलेनो मोनोब्ला लाइमोनफोर गाव-गावनि गेलेनायनि फार्से 'खाबु मोन्नो हागोन। बिराटनि बादिबेब्ला अस्ट्रेलियानि क्रिकेट ग्राउन्डआ गेलेगिरिफोरनि थाखाय जोबोद सोमोनांथाव आरो मोजां गेलेनायनि जायगा होनानै बुडो। लाइमोनफोरखों आइपिएलनि गेजेरजों हान्जायाव लाबोनो थाखायबो केप्टेन भिराट कहलीआ बाश्रा बुंथिदों। बेबादिनो भिराट कहलीनि हान्जा दैदेननायाव माखासे सानसिम भारतनि क्रिकेट हान्जाया अस्ट्रेलियानि हायाव मोनथाम क्रिकेट सिरिजखों गेलेगोन।

## गेदेमा फुटबलार माराडनाखों आर्जेन्टिनानि हादरगिरि आरो रोजा रोजा सुबुंफोरा मान बाउदों



गेलेगिरि। रनाल्डआबो दुइटरनि गेजेरजों माराडनाखों फुटबलनि सासे जादुर होनानै फोरमायो। बेबादिनो भारत हादरनिफ्राय क्रिकेटनि मास्टर-ब्लास्टर सचिन तेन्दुलकार, सौरभ गांगुलीमोनहाबो माराडनानि हरखाब रूसारि जानायखों दुखु फोरमायदों। भारत हादरआव सोनाब बंग आरो केरेला राइज्योआव माराडनाया मोनसे समाव दावबायफेनानै हादरनि गोबां रोजा-रोजा फुटबल अन्सायारिफोरनिफ्राय अन्नाय आरो हेफाजाबखों मोन्नो हादोंमोन। माराडनानि अबथिरा रूसारि जानाय जाथया भारतनि केरेला राइज्योआव दुखुनि थासारिआ सागलोबदों आरो रूसारि माराडनाखों गोसोखांथिनारनि मुडव साननैनि थाखाय फोरमायनाय जादों। बेनि अनगायैबो सोनाब बंगआवबो फुटबल अन्सायारिफोर माराडनानि सावगारिआव बिबार बाउनानै दुखु फोरमायनाय हाबाफारि लानायखों नुनो मोन्दों। जर'खायै भारतनि गाहाय मन्थि नरन्दे मदिआ आर्जेन्टिनानि गेदेमा फुटबलार डिएग' माराडनानि रूसारि जानायखों दुखु मोन्नाय फोरमायनानै बनि रूसारि जानाय फुटबलनि थाखाय खहा होनानै फोरमायदों।

## सेम्पियन्स लीगआव रबार्ट लिवान्डस्कीनि गल होनाया रेकर्ड जादों



लन्डन, 27 नभेम्बर: बेयान मिउनिकनि स्टाइकर रबार्ट लिवान्डस्कीनि गल होनाय हेफाजाबजों डिपेन्डिं सेम्पियन बेयान मिउनिकआ दासान्दि सोलिबाय थानाय सेम्पियन्स लीगनि प्री-क्वार्टर फाइनालाव सौहेनो हाबाय। थानाय हरनि समाव गेलेनाय लीगनि मोनसे गोनां मेचखों मिउनिक क्लाबआ 3-1 गलनि फ्रागथियाव आरबि साल्सबाग क्लाबखों गोब्राबजों फेजेन्नो हायो। गेलेनायाव मिउनिक क्लाबनि जानानै रबार्ट लिवान्डस्कीआ 42 मिनटआव सिगां गलखों होनो हादोंमोन। बेनि उनाव हान्जानि सानै गेलेगिरि किंगसले कमानआ 52 मिनट आरो लेगडि सानेआ 68 मिनटआव मोननै गलखों होनो हानायजों मेचखों देरहानो हायो।

बे देरहानायजों बेयान मिउनिक क्लाबनि सेम्पियन्स लीगनि गेलेनायाव फारिथै मोन 15 मेचखों देरहानो हानायवाव दासुंसारदों। मख'नो गोनांदि, हान्जानि गेलेबाय थानाय मोनफ्रेमबो मेचआवनो हान्जानि देरहानायवाव गोनांथाव बिफाव लानाय लिवान्डस्कीआ गावनि गोखों गेलेनानै गल होनो हानायखों रेकर्ड खालामनारनि गेजेरजों दिन्थिनो हादों। मिबथिनाय बादिब्ला, लिवान्डस्कीआ सेम्पियन्स लीगनि गेलेनायाव दासिम मोन 71 गलखों होनो हादों। अदेबानि बे गलजों रियेल माद्रिदनि गेदेमा गेलेगिरि गन्जलेसनि रेकर्डजों समान समान खालामनो हादों। सेम्पियन्स लीगनि गेलेनाय जारिमिनआव दासिम

आर्जेन्टिनानि लियनेल मेसिआ बयनिखुइबो बांसिन 118 गलखों होनो हानायवाव जाफुंसारदों। बेनि उनावनो क्रिस्टियान' रनाल्डआ गोबां गल होनो हानायजों सिगां सारिआव जायगा लानानै थानो हानाय मुलुगनि गोखोंसिन आरो साबसिन गेलेगिरि महरै मिबथिसार जायो। गुबुन फार्सेथिं इलिस प्रिमियार लीगनि गुबुन मोनसे गेलेनाय मेचखों लिभारपुल क्लाबआ आटलान्दा क्लाबनि हेँथायै 0-2 गलआव जेन्नो गोनां जादों। गावनि नख'र सहरनि गेलेग्रा फोथारवनो गेलेनाय प्रिमियार लीगनि मेचखों लिभारपुलआ जेन्नायखों सिमान लानांदों। बेनि अनगायैबो गेलेबावनाय प्रिमियार लीगनि मेचआव मन्चेस्टर सिटी क्लाबआबो

देरहानो हानानै 16 थि राउन्डआव सौहेनो हायो। सिटी क्लाबआ बे मेचखों देरहानायजों लीगनि पइन्ट फारिलाइयाव आवगायनो हाबावदों। बेबादिनो दासान्दि मुलुगनि क्लाबफोरनि गेजेराव गुबुन गुबुन फुटबल लीगनि गेलेनाया सोलिगासिनो दइ। गुबुन फार्सेथिं सेम्पियन्स लीगनि गेलेनाय मेचखों इन्टरमिलन क्लाबनि हेँथायै देरहानो हानायजों रियेल माद्रिद क्लाबआ ला लीगानि मेचआव गावसोरनि देरहानायखों सोलिहोबाय थानो थांखि लादों। थानाय समनि गेलेनायाव माद्रिदआ इन्टरमिलनखों 2-0 गलआव फेजेन्दोंमोन।

व्युन्स आयास, 27 नभेम्बर: आर्जेन्टिनानि हादरगिरि अल्बर्टे फार्नान्डिजआ गावनि हादरनि गेदेमा फुटबलार डिएगो माराडनाखों जोबथा मान बाउदों। जोबथा बिदाइ होनारनि सिगां माराडनानि गोथै सहनि सायाव आर्जेन्टिनानि हादरगिरिआ बिबार माला गानहोनानै गावनि दुखु मोन्नायखों फोरमायथिदों। बेजों लोगोसे आर्जेन्टिनानि रोजा रोजा फुटबल अन्सायारिफोरबो गावनि हादरनि गेदेमा फुटबलारखों गोसोखांथिनारनि लोगोसे दुखु फोरमायनानै मान बाउनाय जायो। मख'नो गोनांदि, बुधबारखालि माराडनाया हरखाब हार्ट एटैक्ट जानायनि जाहोनाव जोबथा हां बोदोंमोन। हादरगिरिनि बिसि

फाबिलोजों लोगोसे आर्जेन्टिना खुं थायनि बिबानगिरिफोराबो माराडनाखों जोबथा मान बाउयो। माराडनाया गावनि गेलेनाय फुटबल केरियारखों 15 बोसोरनिफ्रायनो जागायजेनानै 1976 माइथायाव फास्ट डिभिसन फुटबल लीगआव मोनसे क्लाबजों गेलेजेन्नायखों जागायजेन्दोंमोन। आर्जेन्टिनानि जानानै माराडनाया 1986 माइथायाव फिफा वर्ल्ड कापखों देरहाहोनो हानायनि अनगायैबो गोबां फुटबल बादायलायनायफोराव गावनि हादरनि हान्जाखों देरहाहोनो हाबोदोंमोन। दिने बेबादि गेदेमा गेलेगिरिआ हरखाब 60 बोसोर बेसोआव रूसारि जानायखों हादरनि सुबुंफोर दुखु मोन्नाय फोरमायदों।

बै समनि मुलुगनां फुटबल फोथाराव सासे जादुर फुटबलार महरै मिबथिसारजानायनि गेजेरजों इयुन जोलै लाइमोनफोरखों थुलुं गाखां होनो हाबोनाय माराडनानि अबथिरा रूसारि जानाय फुटबलनि सुपर स्टर लियनेल मेसि, क्रिस्टियान रनाल्ड आरो गोबां हादरनि फुटबल गेलेगिरिफोरबो दुखु मोन्नायखों फोरमायनानै माराडनाखों थारैनो सासे गेदेमा फुटबलार होनानै फोरमायदों। मेसिआ बुडोदि, आर्जेन्टिना आरो फुटबलनि थाखाय माराडनानि रूसारि जानाय थारैनो जोबोद दुखु गोनां। माराडनाया जोखों माब्लाबाबो नागारनानै थाड, मानोना बियो सासे फुटबलनि रंजाखांहोप्रा

## आसारि गेलेगिरिफोरनि थाखाय मोजां खौरां

### 8 बोसोरनि उनाव गेलेमु बिफानआ आसारि फेडारेसनखों गनायथि होबाय

गोदान दिल्ली, 27 नभेम्बर: मिरु सरकारनि गेलेमु बिफानआ थानाय बुधबारखालि आसारि फेडारेसन अफ इन्डियाखों गनायथि होबाय। बेजों लोगोसे आसारि फेडारेसन अफ इन्डियाखों नेसनेल सेम्पियनसिप आरो गुबुन बिथिनि थाखायबो बिफानआ रंखाथि बाजेट थिखनानै होगोन। थानाय 2012 माइथायाव फेडारेसन बिसायख'थियाव माखासे नेमखाथि गैयैबादि जानायनि जाहोनआव फेडारेसननि मोन्थायखों मिरु गेलेमु बिफानआ लाफिन्दोंमोन। फार्सेथिं थानाय 2019 माइथायाव वर्ल्ड आसारि फेडारेसनआबो बे मोन्थायखों फोजोबनाय जादोंमोन।

नाथाय सोलिफु बोसोरनि थानाय जानुवारी दानआव जालानाय बिसायख'थिखों गोदान संबिधाननि गेजेरजों इन्डियन अलिम्पिक एस'सिएसन आरो वर्ल्ड आसारि फेडारेसनआ आवथायाव लायो। गेलेमु बिफानआ फेडारेसननि 18 जानुवारीआव जानाय बिसायख'थिखों थार होनानै गनायथि होनारनि थांखि लायो। अदेबानि जानुवारी दानआव जानाय बिसायख'थियाव अर्जुन मुन्दाया फेडारेसननि आफादगिरि जायो आरो प्रमद चुन्दरकौरआ नेहाथारि महरै बिसायख'जायो। गेलेमु बिफाननि गनायथि होनायखों आफादगिरि अर्जुन मुन्दाया जोबोद गोजोन्नाय फोरमायो। नेहाथारि

प्रमदआ बुंनया बादिब्ला, गेलेमु बिफाननि गनायथि मोन्नायनि उनाव फेडारेसनआ दासान्दि आलादा रंखाथि बाजेटखों मोनो हासिगोन। मख'नो गोनांदि, अलिम्पिक गेम्सनि थाखाय आसारि गेलेमुआबो मोन 14 गाहाय गेलेमुफोरनि गेजेराव सोसनजादों। आसारिखों गेलेमु बिफानआ फेगौ 2024 आरो 2028 अलिम्पिक गेम्सनि थाखाय थिसननाय जादों। फेगौ बोसोरनि जापाननि राजथारनि टकिंग सहरआव खुनो लानाय अलिम्पिक गेम्सनि थाखाय थानाय 8 बोसोरनि उनाव भारतनि हौवा आसारि हान्जाया क्वालिफाइ जानो हाबाय।